

東
華
續
錄

東華續錄

咸豐三十六

臣王先謙敬編

臣陶澐宣恭校

六月戊辰朔諭軍機大臣等陳啟邁奏賊匪竄擾德安建昌等縣並另股闖入武甯縣城一摺武甯縣屬前經逆蹤竄擾此次復有另股土匪乘勢撲入縣城肆行搶掠而由九江下竄之匪又復深入滋擾建昌雖經退出餘匪仍聚德安若剿辦稍遲一經會合勾結必致蔓延爲患該撫見飭遊擊鐵林等會剿武甯一股並添派兵勇令遊擊富克金泰移建昌之師進攻德安務卽嚴飭各該員弁迅速相機前進分投夾攻總期立就殲除不得以賊眾兵單藉詞延誤九江爲該逆來路所稱速集弁兵由彼處躡賊之後自爲要著果能扼守要口絕其來蹤庶截剿自易爲力義甯州緊連楚

境卽爲武甯前路前派副將羅玉斌所帶官兵能否扼要堵截自應督飭該員與先派防剿之已革總兵趙如勝合力援剿不得任令偷安巧避致誤事機至各處土匪乘機竊發尤須隨時嚴拏懲辦並著陳啟邁飭屬認真搜捕遇有匪徒聞風嘯聚卽行就地撲滅若被逆賊勾結後始以兵力制之辦理更覺費手佛隆見已革職新授九江鎮總兵居隆阿到任需時當此軍務喫緊之際儻委署無人或暫令該革員隨同剿辦亦無不可但不准率請畱營效力爲事後開脫地步將此由六百里諭令知之○以賊竄德安等縣巡撫陳啟邁下部議處○撥戶部銀票四十萬兩淮安關四萬兩解往南河工需○己巳諭內閣英隆等奏參俄羅斯船隻由黑龍江駛下棄卡退回之官員一摺俄羅斯毗接道路隘口甚關緊要允宜嚴加防守乃駐紮烏蘇木丹卡倫之雲騎尉巴圖善聞俄

羅斯船隻由黑龍江駛下輒行帶兵棄卡退回實屬畏葸無能巴圖善著革職在卡枷號三箇月滿日發伊犁充當苦差兵丁著枷號二箇月滿日鞭責一百革去拜唐阿巡查俄羅斯邊界之佐領暫委協領桂慶等並未前往堵禦輒行退回實屬不知奮勉世管佐領桂慶公中佐領鐵星伊勒東阿防禦色克精額驍騎校訥保均著交部嚴加議處兵丁均著鞭責一百革去拜唐阿署理副都統印務協領瑚遜布並未親率兵丁前往堵禦查問俄羅斯船隻亦屬輕視邊務瑚遜布著交部議處以爲坐卡官之戒○諭軍機大臣等琦善奏三次進攻瓜州焚船殲匪並催令艇師各船上駛一摺連日攻剿東西兩岸賊匪雖擊斃多名仍未能克復瓜州豈得謂大挫賊鋒況夾板夷船爲賊礮轟燒人多傷亡被擄是水師已不免挫折雖陸路疊有斬擒焚燒賊船二隻亦屬得不償失見

在艤船俱寄泊瓜州上游究竟如何接仗該大臣自應嚴飭該鎮等飛速稟報何至數日之久尙未知接仗情形據稱浙師各船駕駛不能得力且毫無紀律水師疲玩積習最堪痛恨見在水師旣歸該大臣節制惟當激勵將弁力圖振作督飭各船駛上游力扼鎮江金陵賊匪接濟之路儻仍前玩泄卽遵疊次諭旨將該鎮等從嚴懲辦一面飛催紅單各船剋期駛入長江與向榮合力攻剿務當督飭各軍迅圖克復瓜州毋再遷延致干重罪將此由六百里加緊諭令知之○諭昨據英隆等奏稱俄羅斯船隻由黑龍江下駛進入內地由江直下等語前據俄羅斯屢欲遣人赴京至理藩院云有緊要事件並未陳明實情見在黑龍江交界等處有俄羅斯船隻逐一查詢雖據稱係與英吉利等互相爭擾其中恐有別故著德勒克多爾濟等遇便傳喚俄羅斯面加詳詢伊等船

隻赴東海大洋究係何故由何處行走何如此緊急詢明後由該大臣再行密奏原摺著鈔給閱看○命陝西巡撫王慶雲撥銀四萬兩解赴湖北軍需○賞連鎮及高唐軍營兵丁暑藥丸料○庚午諭內閣副都統達洪阿自發往軍營以來屢次打仗皆以身率先奮力獲勝茲聞接戰驟傷左肩喀血實屬奮勉可嘉達洪阿著賞給馬褂料一件巴圖魯玉翎管一箇四喜搬指一箇嵌珊瑚火鐮一把大荷包一對小荷包四箇並加恩賞給伊姪孫滿洲火器營委參領富成二等侍衛以示鼓勵○諭軍機大臣等前因逆匪被圍日久死拒不出諭令僧格林沁等擇要設伏誘使出巢痛加剿洗乃本日據該大臣等奏稱二十九日列隊進攻達洪阿身受重傷兵勇陣亡三十餘名顯係我兵失利所稱各營馬步官兵將該逆擊退語涉含混並未將是日接仗情形詳細聲敘該大臣統

領全軍剿辦此股逆匪惟恃空濠坐困於攻剿事宜毫無把握既未將賊巢剋日埽除而我兵出隊復屢有挫折似此日事遷延老師糜餉罪將誰諉高唐竄匪尙未殄滅設此股負隅久踞牽掣我師或分竄蔓延肆行句結其患曷可勝言況皖楚賊匪難保不復圖北竄畿輔一日不清大兵卽不能南下朕宵旰焦勞難安寢饋該大臣身受重恩亦當爲朕分憂也副都統松玉日久未見打仗見在何處紮營是否得力著查明具奏陣亡守備哈清魁巡捕營把總常山均著咨部議卹將此由六百里加緊諭知僧格林沁並諭西凌阿托明阿知之○壬申浙江巡撫黃宗漢奏廣東應行採買米石由浙代辦運津以實倉儲得旨所辦認真之至如有未盡事宜隨時請旨○荊州將軍官文等奏剿匪疊勝荆屬漸清酌撥川兵赴省應援得旨荆郡見可無虞酌撤防兵亦節省經費安定

人心要著雙保等川兵既可隨剿隨進著嚴催速援武昌官文等統籌全局所見甚是又奏荊州官兵俸餉無著請隨時酌留四川解楚餉銀以資接濟批著照所請行然不可漫無限制仍應隨時具奏○癸酉諭內閣前因御史孟洋奏山西洪洞襄垣襄陵垣曲等縣徵收錢糧不協輿情當經降旨交恆春確查嚴參茲據該撫奏稱委員查明洪洞等縣徵收錢糧並無抑勒浮收辦理不善之處該御史所奏著毋庸議言官例准風聞奏事然不當以毫無影響之詞率行入奏況孟洋籍隸山西陳奏本省事件更應見聞較確何以經該撫飭查所奏各款無一確據嗣後御史言事務當訪查確實不得以傳聞無據之詞妄行彈劾亦不得有意摸稜自甘緘默至各省大吏遇有特旨交查之案尤當細心訪察務得真情不准袒護屬員輒以查無實迹一奏塞責如御史有受人慫慂挾

嫌誣陷督撫有瞻循情面開脫消弭者日後別經發覺必治以欺飾之罪將此通諭知之○甲戌諭軍機大臣等前因賊踞漢陽一帶疊次諭令台湧等通籌全局迅速進兵援應武昌茲據青廖奏稱外援久盼不到連日逆匪屢撲省城復於距省上六十里之金口下七十餘里之白湖鎮正東六十里之豹子澚分股盤踞省城情形日形危急等語前於五月初八日卽據該督奏稱馳赴德安相機進攻漢陽嗣於五月二十一日復據奏稱擬由孝感之楊店應城之長江埠分兵進剿自應與舒倫保桂明趕緊督兵前進並飛催後起官兵迅圖攻剿何以又隔多日未見將攻賊情形馳奏朕心竇深焦急該督身任兼圻履任之初正值黃州兵潰楚豫門戶萬分緊要自不暇兼顧武昌此時舒倫保桂明先後帶兵趕到其雲夢應山等處亦漸次肅清正當嚴飭官兵會同前進急攻漢

陽漢口以爲武昌應援刻下省城守禦日久勢甚危急儻稍有疏虞該督貽誤之罪豈能稍從末減著卽與舒倫保桂明迅速進兵攻克漢陽爲救援武昌之計或分路進攻或合力會剿惟在該督等酌量布置豈可各存意見遷延觀望致誤事機台湧與舒倫保桂明同援武昌係共辦一事屢次諭旨均責成該督會同該將軍等籌剿嗣後舒倫保桂明務與台湧會銜奏事總期同心協力剿賊肅清江漢儻仍擁兵不進藉詞延宕致有疏失朕惟執法從事決不姑寬將此由六百里加緊諭知台湧並諭舒倫保桂明知之○諭青磨奏省城危急請飭舒倫保桂明救援一摺前有旨令舒倫保桂明由應山過發不准在武勝各關頓兵不進諒該將軍提督等卽可與台湧先後進兵應援武昌本日復降旨催令督兵前進惟賊蹤靡定江北之兵利在速剿亦須嚴防賊匪乘間北竄武

昌勢固危急亦須兼籌全局豈可專恃外援諉罪他人青磨仍當
激勵將士以勦爲守或扼截該逆登岸之路或於沿江上下時出
奇兵明攻暗擊總不可稍有疏懈致墮賊計前據官文貴陞奏荆
屬漸就肅清見飭雙保福旂督帶兵勇由丫角驛赴潛江渡襄河
從仙桃鎮麥芒觜等處隨剿隨進以援武昌並將川餉二萬兩及
鹽課所易之銀五千餘兩派荆州營千總黃家驥等護送取道大
江順流赴省是兵餉均已漸集青磨即可派撥弁兵前往迎護至
青磨稱屢咨督臣應援數月不覆一節前據台湧奏春間所覆兩
函均爲賊得並有來差艾榮卽係奸細前曾入省充勇有詐領藥
丸潛運賊營之事賊情詭譎異常嗣後來往咨函益當嚴密毋令
該逆得知虛實青磨與台湧均職任疆圻並當和衷籌辦不得各
懷意見致誤軍情將此由六百里加緊諭令知之○諭和春福濟

奏連日攻勦情形一摺我兵攻勦廬州逆匪雖屢獲勝仗而郡城總未克復和春等辦理此股賊匪已逾半年前次賊踞六安倚爲犄角見在州城攻克我軍全力專注廬郡何尙毫無把握據奏賊眾千餘向南行走恐竄出之賊尙不止此數儻該逆大股潛遁又擾他處而以零星賊匪牽綴我師即使收復空城於事何益和春節制全軍福濟職任巡撫均屬責無旁貸總當設法進攻及早克復不得再有延誤自干重罪另片奏已革守備吳錫光呈出陳啟邁信件以江西需勇防堵竟敢造言煽惑私行帶去各勇一千餘名實出情理之外和春久歷戎行自當嚴申紀律方足以激勵軍心乃於此等抗違不法之員僅請飭令陳啟邁不得容畱並未嚴參治罪似此一味優柔無怪將士不能用命日久無功也吳錫光所帶各勇著和春迅派妥員馳往管帶並將吳錫光截回廬州卽

在軍前正法但不可先行洩漏致吳錫光脫逃或煽惑各勇又致
激生事端和春係朕特派督兵皖省剿賊大員各路鎮將均歸統
率如有遷延不進卽當隨時嚴參治罪何以珠克登等帶兵不能
奮勇直至接奉硃批後始行參奏似此瞻徇惡習不除何以統率
將士福濟自到軍營屢次奏報不過後路接應亦未運籌決策擁
兵糜餉日久無功豈謂朕不能執法從事耶失守太平府城之署
同知李三捷署當塗縣知縣府經歷王乃晉著一併先行革職仍
畱署任學政孫銘恩殉難情形著查明具奏將此由六百里加緊
諭令知之○以廬州剿賊無功革總兵官珠克登楊青鶴副都統
忠泰職仍畱營效力○予湖北殉難署安陸縣知縣萬成祭葬世
職○乙亥諭內閣王懿德奏上游官兵擒獲賊首餘匪漸就肅清
一摺福建永安縣會匪江水占踞巖洞寨與陳簡等屢抗官兵經

護延建邵道胡應泰參將李煌等督兵兜捕署守備曹鳴鴻將陳簡手刃斃命李煌親督大隊將賊首江水並助逆股首九名同時擒獲分別凌遲處死梟示地方漸就肅清該匪江水與林俊黃有使分股滋擾見經胡應泰李煌等削平逆壘擒獲賊首辦理尙屬妥協所有在事出力員弁及聯甲紳耆人等著王懿德酌量保奏仍飭將林俊黃有使嚴拏務獲以絕根株○貨福建金門鎮兵丁穀價銀○丁丑諭軍機大臣等琦善奏陸路進剿情形並水師大獲勝仗一摺賊船占踞江面必須水師衝擊斷賊南北來往之路剿辦方能得手五月二十八日及六月初二等日水師連次獲勝可見各路師船如果調度有方尙屬可用江面遼闊師船已提至瓜州以上分泊南北兩岸仍恐該逆乘虛窺伺我師轉形單薄惟在扼要布置隨時激勵以少勝多賊船屢次由金陵下駛向榮株

守城外日久無功卽不能迅復堅城亦當於陸路接應扼賊分竄向榮與琦善共辦一事若先將瓜州賊匪殄除卽可次第進剿會同克復鎮江金陵著該大臣等於南北兩岸嚴飭帶兵各員於陸路要隘併力截剿與水師互爲援應毋得稍失事機紅單船於二月由粵放洋四月杪已由廈門起碇何以至今尙無過浙到滬確信顯係沿途逗畱著琦善向榮飛催迎提並查明統帶各員在何處耽延卽行從嚴參辦將此由六百里加緊各諭令知之○以瓜州剿賊獲勝復已革總兵官葉長春陳世忠副將李德麟遊擊周士法張攀龍職○庚辰諭內閣前因許乃釗剿辦上海賊匪遲延貽誤曾經降旨革職畱任嗣復摘去頂帶以示薄懲冀其奮勉圖功稍贖罪戾茲據奏稱剿匪情形仍是空言粉飾毫無把握逆匪竄踞上海縣城已逾半載該撫督辦攻剿勞師糜餉日久無功殊

堪痛恨許乃釗著卽革任交向榮差遣委用以觀後效○諭駱秉
章奏新授提督難期勝任等語湖南提督常存前在署總兵任內
帶兵赴長沙防剿先經張亮基等派令紮營河西旋復改派往天
心閣守城據駱秉章此次所奏係因該員移營江岸遇賊不前是
以撤回改派令其稽查兵勇出入乃連日召見常存詢以長沙守
禦事宜轉稱從前紮營江岸亦有斬獲嗣因天心閣防守喫緊始
將該員移往於當日緩急情形任意顛倒希圖欺飾常存著降爲
副將發往直隸交桂良差遣委用儻仍不能得力著隨時察看據
實參奏○駱秉章奏逆賊竄踞湘潭經水陸兵勇痛加剿洗零匪
四竄臣飭衡山等各州縣先後截擒潰匪各百餘名維時靖港賊
船因逆賊連日大敗兇渠授首賊黨乘風下駛比塔齊布等水陸
兵勇回軍長沙該逆已由灣河蘆林潭一帶揚帆下竄經過湘陰

岳州等處因舵工水手逃散遺棄船隻頗多其由醴陵水路逸出
餘匪探由江西萍鄉萬載新昌等縣轉至湖北邊界會合通城賊
匪希圖乘間南犯臣飭知縣陳鑑源等各帶兵勇相機進剿該逆
首隊已至上塔市知州林源恩督率勇丁暗鈔其後各勇直前衝
殺斃賊九十餘名生擒賊匪沈連升等五名官軍卽移營進紮通
城九嶺地方該逆分三路來撲各路約千餘人官軍亦分路迎敵
向前衝殺轟斃紅巾賊匪數十名匪眾敗潰楚勇乘勝掩殺賊復
分踞山頂楚勇亦分路搶上山梁兩路斃賊數十名生擒六名賊
匪奔潰五月初四日該匪復分三股由間道鈔襲官軍後路經訓
導江忠淑等分投迎擊大獲勝仗斃賊數百名生擒數十名賊匪
敗退臣據探報有崇通賊匪邀約蒲圻之賊相助情事復添調守
備蔣大勝管帶楚勇六百四十名馳赴平江北界協剿面商署提

臣塔齊布督領兵勇卽日馳赴岳州相機防剿 上諭駱秉章奏
崇通賊匪業已大受懲創其竄踞湖南之賊據奏兇渠僞目多已
授首敗殘餘匪疊經各州縣兵勇團眾協同截剿湖南近省地方
見已一律肅清著塔齊布等督領兵勇乘勝追殺毋畱餘孽迅卽
馳赴岳州相機攻剿所有截擊潰匪及此次平江剿賊獲勝之各
員弁兵勇著該撫擇其尤爲出力者彙入湘潭出力案內覈實酌
保候朕施恩毋許冒濫○諭軍機大臣等台湧奏派兵進剿阜市
一帶賊匪並片奏將軍舒倫保逗畱不進各情見在應城亦經收
復德安等處餘匪漸就肅清而天門縣屬與該縣交界之阜市一
帶尙有賊眾盤踞滋擾台湧見派佈克慎帶兵馳往剿辦此股賊
匪無多無難迅就殄滅自無須大兵全數久駐該督移師德安以
後將及市月仍未督兵南行卽謂必須計出萬全方操勝算亦不

應似此遷延株守致誤事機此時黃州漢鎮大股負固如常兼以楚南逆蹤全行下竄皖江潰敗之匪紛紛駛入上游武昌待援情形何等緊要儻以援兵未到致有疏虞台湧又豈能置身事外節次所降諭旨既詳且備著該督迅籌進攻之策一面嚴飭佈克慎速將阜市一股滅盡以爲前路之導一面統兵前進探賊所向奮力殲除總期節節打通與省城聲勢聯屬庶可爲會合夾攻之計桂明見已行抵德安其所帶官兵一千八百餘名皆係勁旅或令該提督全數帶同進剿或應畱若干扼要設防均由台湧酌量調度至桂明如不得力並著隨時察看據實參奏舒倫保藉病稽遲旣屬不能助剿著卽傳知該將軍來京陛見所有原帶之已到官兵卽歸台湧統帶其未到之後起各隊仍著檄提來營以資攻剿前據官文等奏荊州各屬諸就肅清已分兵由襄河入江隨地剿

洗冀可直達武昌是西路亦有應援當此兵力厚集之時台湧職任疆圻膺茲統兵重任事權旣一責有攸歸惟在體察機宜妥速籌辦毋得再事迂緩致干罪戾將此由六百里加緊諭令知之○以吉爾杭阿爲江蘇巡撫訓陶恩培爲江蘇布政使賞恆福三品頂帶署山西布政使已革大理寺卿○竇授塔齊布湖南提督○辛巳諭內閣前經降旨著各路統兵大臣暨各該督撫迅速查明逆匪經過地方陣亡鄉勇除例得請卹外其有激於義憤殺賊殞身者無論防剿逆匪土匪准令紳民於各該地方建立總坊一併題名並從祀忠義祠以昭激勸惟向來建坊入祠之案例皆按年彙題由部覈覆未免往返需時所有各處紳民殺賊遇害旣由各路統兵大臣及各該督撫查明著於該州縣申詳到時卽行遵旨建坊入祠隨時咨部存案俾免稽延至有合家男婦同時殉難者並准照

總坊例聽其自行另建一坊以示表異其婦女恐被玷辱捐軀明志者准其從祀節孝祠以慰貞魂○諭達洪阿帶兵剿賊身受槍傷猶復裹瘡力戰實屬奮勇茲又因傷患病著加恩賞給如意拔毒散交伊子戶部員外郎穆克金布齋往軍營看視○諭軍機大臣等前據僧格林沁奏連日大雨進剿仍未得手當經諭令該大臣趕緊進攻數日以來未見續報逆匪既分竄高唐則連鎮之賊其勢已孤該大臣於攻擊事宜何以尙無把握實深焦灼本日據琦善奏稱拏獲偽總制劉玉山供稱逆首楊秀青聞北路賊匪被圍欲派大股黨與從揚州清江北竄等語見在琦善大兵駐紮揚州自可隨時堵禦惟北匪一日不除設南匪又從間道北竄會合其事更不可問總之連鎮逆匪若能及早殄除不但該逆不敢窺伺河北大兵且可乘勢南下皖楚之匪亦可次第掃除若以賊竄

餘匪牽掣大兵曠日持久深恐別滋他變該大臣身受重恩亦當
籌慮及此著卽督飭各路將弁剋日進攻毋再遷延致干重罪將
此由六百里加緊諭令知之○諭本日據琦善奏稱拏獲偽總制
劉玉山供稱逆首楊秀青因北賊被圍欲派大股賊匪由揚州清
江北竄應援等語琦善大兵駐紮揚州自可隨時堵剿但北賊一
日不除則南賊救援之心不絕設或大股復來剿洗更屬不易此
時高唐逆匪不足千人該大臣督兵攻剿日久無功恐南賊聞之
有輕量我軍之心勢必乘虛北竄更肆猖獗若能及早蕩平可以
杜其覬覦著勝保等督飭將弁一鼓作氣迅將高唐州城克復此
股旣平卽可與僧格林沁合力勦辦連鎮逆匪旣可肅清畿輔兼
可爲南下之舉若曠日持久致令南匪續行北竄餘燼復然該大
臣自問當得何罪將此由六百里加緊諭令知之○諭琦善奏艇

師續獲大勝並儀徵六合剿匪情形一摺我兵自前月攻剿疊獲勝仗葉常春等將水軍各船駛赴上游燬船殲匪甚多復於六月初二日派流迎剿兩路追截賊船不能下竄遊擊照信等及前任副都統富春等所帶兵勇亦於儀徵六合沿江一帶各有斬擒軍聲大振逆膽已寒即可水陸夾擊杜絕接濟以孤瓜州賊勢琦善因瓜州與鎮江密邇中有金山賊壘與爲犄角恐官軍戰艦難於扼斷尙屬實情然水師旣能得手亦須陸路設法直抵該逆瓜州土城方爲勝算若如所奏初三四等日進攻情形仍以閉營阻水爲詞當此夏令盛行積潦狂風江鄉常事豈能待水退泥乾方作破巢之舉況賊匪在金陵添造賊船催調賊兵必係別有詭謀除紅單等船悉力嚴提外亟應迅速克復瓜州能除一處賊巢即可省一分兵力毋再延緩坐失事機至浦口直對金陵揚州近接袁

浦逆首楊秀青以北犯之賊屢被懲創思欲分股再來

浦口有兵阻擋安徽道路迂回欲徑走揚州直奔清江琦善身爲
統帥久擁重兵自應四面偵探堵其北竄然果能卽克瓜州則該
逆寒心褫魄必不敢覬覦揚郡若但株守邗江不復再謀進取使
賊眾輕視我軍卽連鎮高唐一律肅清亦恐另圖滋擾琦善節制
水陸各軍何至於瓜州一股束手若此舟師鎮將葉常春等前已
開復原官此次復能打仗出力著傳旨嘉獎如果再知奮勉殺賊
圖功卽著酌量保奏候朕施恩將此由六百里加緊諭令知之○
諭據袁甲三奏請嚴明賞罰以勵人心一摺據稱此次克復六安
該州紳民不假兵力不資兵餉卽能克復州城又聞合肥紳民亦
有糾眾助剿廬賊之說請卽立與恩施並酌免糧賦酌加學額俾
闔境同邀曠典其捐糧督勇之人請優敘官職以資激勵等語著

和春福濟確切查明據實具奏其六安營參將慶齡守備王連陞把總陳法魁於城陷後逃至山中伏匿迨州城收復後慶齡王連陞先後進城獨陳法魁尙不知所在六安州知州宋培之有無下落著一併查明分別懲處據奏有劣紳孔廣春傅爾鈞沈鑄奎等豫贗財物齎送逆賊等語愚民食毛踐土尙當義切同仇況身列縉紳乃敢迎賊送糧情同叛逆實屬法所難寬如果查明屬實卽著將該劣紳等家產查鈔入官並查明有無甘心從逆情事分別治罪吏目梁繪事巡檢俞元齡鍾恕賊至時有無逃避情事此次各督義勇分路攻剿著有微勞是否功過尙足相抵著查明具奏至前護廬鳳道立誠既經改派恩錫會同袁甲三審辦何以福濟又將恩錫調赴廬州此案久未擬結著福濟明白回奏將此由六百里加緊諭令知之○袁甲三奏探聞捻匪有攻撲定城之說臣

派廬鳳道張光第帶勇數百名先赴縣城以壯聲威另派文武員弁由壽定交界之白鷺橋一帶確探進剿據該文武稟稱白鷺橋附近周圍百餘里處處匪巢見分三大股東股陸高雍朱張單等姓匪徒盤踞朱家灣一帶南股談李趙魏等姓匪徒盤踞小店集一帶西股紀戴余李魏胡等姓匪徒盤踞余家灣一帶該匪等或數百人或數千人時分時合勾結爲害其間深溝固壘有險可據之窟約有五六處該文武等一面出示曉諭解散脅從一面揀派土人作爲嚮導於五月二十三日率隊進攻余家灣匪穴該匪出巢迎拒我軍連放槍礮擊斃多名奪獲旗幟器械多件該匪奔退回巢我軍追至巢邊奮勇直前四面圍攻因巢外濠牆環固未能攻破該文武等一面翦其附近黨與然後併力圍攻並探聞另股匪徒占踞陳家圩姜家岡等處遂於本月初二日出隊會同署

壽州知州金光飭署定遠縣知縣李登洲帶勇前進該匪等竟敢離巢抗拒我師分路前進施放連環槍礮斃五六十人該匪大亂向西南兩路分竄該文武等指揮兵勇追殺擒斬七八十人生擒千和等十六人奪獲大小槍礮四十餘桿旗幟三十餘面追至姜家岡官軍一擁直前當將賊巢燒毀並另燒陳家圩湯家岡匪穴十餘處見已嚴飭文武將另股匪黨迅速掃除再行合攻余家灣以期聚而成擒廬鳳道張光第已督飭附近縣城團練數千人相機接應該文武俟西路肅清再行依次東來與該道會合接剿總期壽定各交界一帶全行廓清斷不任將就了事再貽後患又奏見在淮南匪徒勦辦正在喫緊之際難保不北竄蒙懷潛行嘯聚見已札飭遊擊李成虎帶領兵勇暫赴懷蒙接應堵剿至蒙城以西亳州以南因逆匪土匪滋擾團練均已潰散另派候補直隸州

知州王啟秀由宿州撥兵百餘名試用知縣劉錫齡由臨淮帶勇百餘名分赴各鄉督率紳民整頓團練遇有零匪肆擾卽行兜擊免致再行竊發報聞○壬午僧格林沁等奏自六月以來陰雨浹旬逆匪蠱聚高阜我兵紮營河次地處低窪該逆死拒不出難保不另生詭謀臣因咨山東撫臣派員將連鎮上游四女寺引河挑濬以期宣洩一面沿濠修築套隄藉資浸灌東光闔屬紳民甚形踴躍復札飭吳橋縣一律舉行臣仍督飭各營兵丁幫同修築俟興築稍有規模體察情形如可以水爲兵立即設法浸灌仍當趕緊另籌攻剿之法斷不敢以開空套隄爲詞意存耽延得旨以水爲圍專爲杜其逃竄不能制其死命見惟利在速戰惟恐其不出何反使之不出耶徒勞無益曷若趕緊進攻較有把握沿濠築隄朕謂實啟其詭謀汝出師半載有餘未能殲茲小醜屢次請罪朕

皆寬宥若如是耽延畏葸軍法豈能倖逃懷之○癸未諭內閣台
湧奏武昌省城失守一摺逆匪竄擾湖北漢陽漢口屢次窺伺省
垣雖經官兵截擊疊獲勝仗而賊勢猖獗武昌待援孔亟節經諭
令台湧進兵策應乃遷延日久尙在德安茲據奏稱六月初二日
賊由青山一帶分撲塘角洪山等處營盤兵勇潰敗營被焚燒青
麀派兵出城抵禦甫經接仗突見城中火起城上賊旗分布漢陽
漢口賊船渡江圍撲官軍勢不能支省城遽爾失守覽奏曷勝憤
懣台湧職任兼圻毫無布置前次暫予革職尙望其自贖愆尤乃
一味因循貽誤大局實堪痛恨台湧著卽革職交楊需差遣委用
並著楊需馳驛速赴新任統帶各路官兵迅籌剿辦務將省城趕
緊克復以次掃除各屬賊匪毋令該逆日久占踞用副委任所有
武昌城內文武各員下落卽著迅速查明具奏○諭軍機大臣等

據台湧奏武昌失守巡撫等官不知下落一摺台湧頓兵江北屢次諭令進攻漢陽如果迅速前進卽未能直達武昌亦何至省城倉卒失陷此時武漢之賊跨江分踞又有黃州之賊爲之犄角其勢愈覺狡猾楊需見授巡撫武勝關防守事宜已諭令英桂趕緊出省督辦所有河南防兵卽畱於該處交英桂擇要布置舒倫保先到之滿漢兵一千七百名已由小河驛進抵楊店台湧所帶之兵二千餘名加以舒倫保後起未到之兵數已不少卽著楊需全行統帶迅速進攻從荊州下駛之四川官兵二千名桂明所帶陝甘官兵一千八百餘名均著楊需妥籌調度阜市盤踞之賊爲數無多佈克慎著卽帶兵隨該撫前往武昌其阜市一帶卽交桂明剿辦武昌此次失守係因奸匪內應其在城兵勇原不下萬人如尙可收用亟應妥爲招集內有魁玉所帶之荊州駐防兵紮營洪

山此次逆賊係由洪山直入大東門該副都統作何下落台湧摺內亦未敘及著與青麐等下落一併詳查具奏武昌省垣固宜迅圖克復而漢陽賊黨亦須防其北竄楊需攝任兼圻責無旁貸應如何設法兼顧相機進剿之處迅速馳奏本日復寄諭官文飭催四川官兵二千名並酌量添派荊州得勝之兵赴省又諭令塔齊布曾國藩由岳州督帶礮船東下直達武漢仍著楊需分別咨催聯絡一氣併力進攻迅圖克復將此由六百里加緊諭令知之○諭台湧奏武昌失守一摺武昌一郡關係東南數省大局若不亟籌攻克必致日肆鴟張勢更不可收拾楊需在信陽一帶防堵豫楚要隘本日已諭令該撫迅卽啟程南下將台湧所領各路官軍全數統帶探賊所向速籌剿辦目下皖省賊匪尙復紛紛上竄楚南逆蹤亦全行下駛尤非上下游會合夾擊不能圖功曾國藩前

奏添募兵勇修造戰船約六月初即可濟事並稱塔齊布先已馳赴岳州一俟料理完竣卽會同率師前進該提督等著於接奉此旨後卽日督帶水陸各軍乘勢東趨或合力進攻或分投截擊總須隨剿隨進直達武昌迅復堅城滅此狂寇其應由何路進剿並如何豫爲布置冀可計出萬全務卽安速籌畫隨時奏聞所有官文等派赴下游助剿之四川官兵由襄河一路前往並著塔齊布曾國藩互爲知照以期聯絡聲勢一面隨時照會駱秉章在楚鄂交界處所妥籌防堵毋稍疏懈將此由六百里加緊諭知塔齊布並諭曾國藩知之○諭見在武昌旣失賊勢愈形猖獗非厚集兵力難期收復前調四川松潘建昌兩鎮官兵據官文奏稱已於五月十八二十等日先後抵荆並飭該鎮雙保等由漢陽過江赴省此時武昌需兵萬分緊急著官文再行嚴飭該鎮雙保福忻統帶

官兵星夜前進聽候楊需調撥毋許停畱其所需糧餉鉛藥卽著官文安籌應付毋致遲誤至守備宗維清等前經該將軍派令分路覓船由洪湖一帶相機赴省此外有無可調將領並著官文酌量派往武昌以資攻剿至貴陞所帶兵勇前據奏稱撤回虎渡口等處防守可否卽由貴陞統帶前進以爲楊需應援之處並著官文就目下情形熟籌商辦迅速馳奏荊州固屬緊要而武漢之賊一日不盡則荊州一日不能安枕該將軍定能通籌全局先其所急也將此由六百里加緊諭令知之○諭見在武昌已失賊勢大熾難保不復圖北竄豫省南境萬分緊要英桂卽行出省馳赴信陽州一帶往來調度其黃土平靖武勝各關布置是否嚴密光山商城等處應否添兵扼要著通籌全局迅速由驛馳奏有須應行親往督防之處毋得株守一隅坐視貽誤所有河南省城一切事

宜著鄭敦謹小心防守妥爲籌畫將此由六百里加緊諭知英桂

並諭鄭敦謹知之○以楊需爲湖北巡撫兼署湖廣總督譚廷襄

爲順天府府尹昇福署山東按察使由登萊青道署○以夏廷樾爲湖北

布政使文發爲四川按察使由廣西左江道遷○以徐之銘爲湖北按察

使由陝西潼商道遷○命陝西巡撫王慶雲撥銀五萬兩解赴湖北巡撫

楊需軍營○贈直隸連鎮傷亡副都統達洪阿都統銜予祭葬世

職如陣亡例諡武壯○甲申諭軍機大臣等有人奏江蘇蘇松太

道吳健彰有侵吞關稅銀兩由海船帶回廣東並接濟海匪劉麗

川等事本日已將吳健彰革職拏問該革員原籍貲財家產著葉

名琛柏貴迅卽派員嚴密查封聽候諭旨毋得洩漏致有隱匿寄

頓之弊至吳健彰有無由海船帶回銀兩數至累萬之多並著查

明具奏將此由六百里諭令知之○諭有人奏蘇松太道吳健彰

東華續錄 卷二十六 七

通夷養賊一摺據稱賊首劉麗川曾爲該道管理帳目匪黨皆該道練勇初起事時該道首先得信將眷屬寄居夷船所有道庫存銀三四十萬悉以遺賊所雇拖幫船隻名爲捐貲實取償於關稅並有舊識廣東貨船到滬免其納稅以致夷商不服復將關稅銀兩隱匿由海道運回原籍又與人夥開旗昌行賊匪糧食藥彈卽由此行接濟且與該匪屢次在船會晤等語上海賊匪日久未滅若非吳健彰句通要結何至最爾滬城不能收復原奏所稱賊私各款已屬罪無可逭而通夷養賊情罪重大尤堪痛恨吳健彰著卽革職拏問交怡良吉爾杭阿按照摺內所參情節逐一嚴審定擬罪名具奏怡良於上海軍務本非原辦吉爾杭阿尙能持正必不至爲吳健彰蒙蔽毋得稍有回護開脫原摺著鈔給閱看將此由六百里諭令知之○諭有人奏江蘇上海道吳健彰與賊首劉

麗川同鄉近日賊匪至船上與該道會晤等語如果屬實大干法紀著黃宗漢迅派明幹大員藉別項公事馳赴上海不動聲色按照摺內所參各情節逐一訪查明確據實由驛馳奏毋許稍有其實不盡並嚴飭該委員等不得稍有洩漏致干重咎原摺著鈔給閱看將此由六百里諭令知之○裁江南河庫道庫大使員缺○丙戌諭軍機大臣等前據袁甲三奏請就滯銷鹽引籌運濟餉一摺當交戶部速議具奏茲據該部覆奏交怡良袁甲三會同妥辦著袁甲三一面將見擬章程委員妥辦一面將該部摺內所指各條是否確有把握迅速具奏並會同怡良通盤籌畫飭屬認真辦理所收課銀分解江皖各營接濟軍需仍分別綱數銀數由該運司造冊詳報兩江總督報部查覈以免混淆袁甲三另片奏請將湖漕大小船隻分別編號官雇載鹽兵勇往來皆可搭坐等語亦

與怡良會商妥議戶部摺著鈔給閱看袁甲三原片二件並著發還將此由五百里各諭令知之尋袁甲三奏遵查部覆各條詳慎覈實惟商以暢銷爲利但使皖豫兩省肅清自能確有把握見計一年可銷六七十萬包已委員恪遵新章妥辦下部議從之○丁亥諭軍機大臣等官文奏武昌失守速籌剿辦一摺並另摺奏稱調撥川兵防剿湖南股匪等語據奏賊眾由岳州旁竄常德見派福忻卽派川兵五百名渡江在公安澧州交界處所相機剿截杜賊北竄而監利潛江一帶仍有土匪勾結滋擾沔陽亦尙未復是荆郡防守情形不可稍涉鬆勁惟武昌一郡爲根本重地黃州漢陽仍有大股盤踞該逆跨江拒守益肆猖獗此時自以迅攻武昌爲急所有雙保原帶之川兵一千五百名旣由襄河一路前進仍著該將軍飭令急趨進剿卽將天門沔陽一帶道路設法疏通以

期徑達漢陽爲迅速進攻之計惟兵力尙單所有紮營丫角驛之
佐領錫齡阿等所領兵勇能否分派赴省並此外有無官兵可撥
著官文等相機調度速籌進剿至上游防剿岳州竄匪亦關緊要
四川練丁一千餘名旣行抵宜昌卽毋庸令其折回正可擇要布
置以助兵力惟專待川省派員接管亦恐緩不濟急該將軍如有
得力將領堪以統帶之員卽著先行酌派督率前進中途如遇楊
需卽可歸該撫統帶設或此項官兵可先抵武昌亦不必因楊需
未到逗遛守候致誤事機官文等惟當統籌全局方爲不負委任
台湧業經革職畱營其巡撫以下各官前據台湧奏探係縋城而
去儻或逃至荊州卽著由驛具奏將此由六百里加緊諭知官文
並諭貴陞知之○戊子諭軍機大臣等見在連鎮攻剿喫緊亟須
添派官兵迅將此股殘寇剋日殲除本日已派玉明帶領圓明園

八旗兵丁一千名前往連鎮軍營並著載齡卽飭所帶固安防兵一千名一併前赴連鎮軍營均歸玉明統帶卽由載齡先行知會僧格林沁以備調撥所有雄縣防兵著載齡迅速馳往統帶扼要駐紮以爲後路聲援一切防守情形隨時由驛馳奏將此由六百里加緊諭令知之○己丑諭軍機大臣等琦善奏紅單船已抵吳淞請飭催上駛一摺本日已有旨飭令怡良吉爾杭阿飛催前進不准上海截畱矣艇師各船兩次獲勝見已扼定上游金陵與瓜州水路業經隔絕吳全美等管帶紅單船五十隻於五月初六日全抵吳淞江口此項船隻駛赴上游扼要分布則水上一軍聲威已壯卽可爲肅清江面之舉著琦善向榮飛催迎提督飭統帶水師各員與艇船合力攻剿毋稍延緩逆匪聞我水師雲集必亟思抗拒據稱楊秀青將湖南北等處賊船調回共攻師船冀得打通

江路自係意中之事惟在該大臣等安速調撥乘賊船未集之時一鼓作氣庶可大挫賊鋒斷不可稍涉遲緩致誤事機該逆於當塗江面以舟載菽又於金陵城外趕造火攻船隻並多紮巨筏上安撫牌詭計百出必須先事豫防著向榮於當塗一帶設法破其奸謀並嚴飭葉常春吳全美等加意防範萬勿墮其奸計紅單船自上年奏調日久始抵長江廣東籌辦此事甚爲費力琦善向榮必當加意慎重防護周密毋致稍有挫失陳金綬幫辦軍務近日琦善奏報未見該提督出仗獲勝能否得力並著琦善據實具奏將此由六百里加緊諭令知之○諭據琦善奏稱六月初六日紅單船五十隻全抵吳淞江口見已旬日尙未駛到等語此項紅單船隻原爲調赴金陵等處協同剿賊見在水路艇師已經疊獲勝仗正可乘此聲威肅清江面況聞該逆欲將楚省賊船調回共攻

艇師亟應豫爲防範破其奸謀著怡良吉爾杭阿迅卽派員催令
管帶紅單船隻之吳全美等趕緊上駛毋得截畱上海並著將鉛
子火藥等項卽於吳淞口備齊以便趕赴焦山會合水師藉資攻
剿斷不准片刻延宕致誤事機將此由六百里加緊各諭令知之
○予安徽殉難團首布政司理問銜朱殿甲祭葬世職○以六安
士民捐貲團練出力免咸豐三四年額賦永廣文武學額各一
名○駱秉章奏逆賊自湖北竄陷華容縣復句結賊船竄踞岳州
分陷龍陽見調兵勇馳往援剿情形得旨失守城池暨殉難之文
武各員著查明分別請卹嚴參烏什哈雖非守土城陷猶存豈能
任其趨避亦卽行嚴參又奏衡陽清泉二縣錢漕請仍歸保甲催
徵完納批曾國藩前奏未詳始末故有應更易之批諭今觀汝奏
朕始了然著循舊例不必更張○辛卯諭內閣前因親王銜定郡

王載銓奏請酌擬私造大錢人犯酌加枷號各摺當交刑部一併
議奏茲據該部奏請嗣後審辦私鑄大錢之案無論是否已及十
千將爲首及匠人俱從重擬以斬監候等語見在私鑄之案層見
疊出若不從嚴懲辦必致私鑄日見充盈官錢日形壅滯自應嚴
定罪名以示懲儆嗣後私鑄大錢之爲首及匠人著卽照刑部所
議無論是否已及十千俱從重定爲斬監候至所稱此項斬候之
犯俟秋審時再行分別錢數次數酌辦以及應擬軍流等犯先加
枷號臨時再酌定期限等語所奏殊屬含混著交部分別情節輕
重再行覈議明定章程具奏○僧格林沁奏臣挑挖重隄冀得藉
水浸灌不料連日大雨河水斗長連鎮南面河隄被水衝決水勢
甚猛四女寺引河德州已報開挖見在決口之水已將賊匪占踞
之陳莊及南面小村浸沒數尺逆匪或在牆垣房上躲避或晝水

奔赴連鎮惟套隄興工未及一半河隄衝決東面營盤不能屯紮
見在調取船隻暫紮水營已派員前往德州提廂洩水俟水勢漸
消卽趕緊搶護河隄一面相機攻擊 上諭軍機大臣等前據僧
格林沁奏挑挖重隄爲截水灌賊之計朕早知其徒勞無益當經
嚴切批示諭令趕緊進攻嗣據僧格林沁奏報並未陳明進攻之
策但稱隄工已有就緒是直視挖隄一節爲可恃以成功而置萬
餘重兵於無用之地何玩謬若此今據奏南面河隄被水衝決雖
賊踞村莊間有浸沒而我兵東面營盤竟至不能屯紮可見築隄
截水不但不能制賊而衝決浸灌我兵轉受其害更恐該逆乘機
紛竄泥淖之中我兵馬隊不能得力僧格林沁以此等迂緩之謀
視爲上策朕實不解逆匪竄踞連鎮數月之久未受懲創反得養
其精銳蓄其奸謀而我兵力疲氣餒何日始能蕝事若以軍律而

論卽將僧格林沁重治其罪亦不爲過第念連鎖之賊勢將垂斃若驟易生手轉致啟賊詭謀是以僧格林沁奏請派兵卽將固安防守之兵悉數派往又派玉明管帶圓明園官兵前往協剿著卽懷遵前次批諭以速戰制賊之命不得仍恃水圍徒延時日若續派官兵均已到營僧格林沁仍不能迅圖進剿國典具在不能再從寬宥勿謂疊次諭旨可視同具文也將此由六百里加緊諭令知之○諭有人奏廣東瓊州府屬瓊山文昌會同三縣有無賴游手糾集多人名爲老洪會藉端詐索肆行搶掠雖被練勇格斃多名其分擾各縣亦均有掄戮而黨與尙多並各海口時有盜船停泊居民驚恐會匪勾引洋盜其患更不可勝言著葉名琛柏貴按照摺內所指各情檄飭該管道府督率所屬地方官務將首要各犯嚴密查拏就地正法無任一名漏網其被誘愚民著卽明白曉

諭務使悔過自新咸爲良善俾海外黎民各安生業原摺著鈔給

閱看將此諭令知之○清安泰以病免調文發爲湖南按察使以

胡林翼爲四川按察使

由貴州貴東道遷

仍畱湖南軍營○壬辰修山東

運河泇河捕河上河四廳隄工○癸巳諭內閣前因刑部奏私鑄

大錢人犯定爲斬監候俟秋審時分別酌辦所奏含混諭令再行

覈議茲據該部將問擬斬候各犯分別情實緩決定擬具奏見在

大錢壅滯皆由私鑄日多若如該部所議私鑄僅止一次爲數不

及十千者酌入緩決奸民勢必避重就輕私鑄仍難禁絕嗣後私

鑄大錢案內爲首及匠人問擬斬候之犯無論錢數次數均著入

於秋審情實至案內應擬遣罪及軍流徒各犯均著照該部所議

辦理○以吳廷棟爲直隸按察使

由永定河道遷

○乙未諭內閣蔣蔚遠

奏勦辦匪徒首犯就擒一摺貴州獨山州土匪勾結粵匪滋事前

經官兵攻剿連獲勝仗該匪仍竄踞山崗負隅抗拒四月十六七等日官兵連攻數崗殲斃賊匪唐士達等數百名十八日參將英志等督帶兵練馳赴董侏進攻賊壘殺賊甚多該逆楊元保復帶傷逃逸竄往廣西昔里山地方經英志等分路馳往偪緊圍捕將楊元保擒獲解省正法該撫復飭在事文武搜捕餘黨以冀一律肅清此股獨山匪徒滋事已經兩月該鎮道等督率剿辦調度尙屬得宜所有在事文武各員弁擇其尤爲出力者酌保數員候朕施恩毋許冒濫○諭阿彥達著馳驛前往雄縣接辦防守事宜載齡俟阿彥達到防後卽日回京○諭軍機大臣等勝保等奏陰雨連旬進攻未能得手一摺高唐逆匪占踞已久勝保自六月初十日奏報攻剿情形後幾及兩旬未見續報朕心正深懸繫乃本日據奏又因連日陰雨槍箭均不得力雖逆匪並未竄出而我兵多

有傷亡於攻克城池仍係毫無把握覽奏益增焦灼環城積水甚深進戰固難得手當賊匪夜間撲擾之時儘可設法殲殺此股逆匪數不滿千困守孤城無從裹脅但能隨時斬殲自可日亡日少何至任此數百殘寇久踞城池若盡諉之天時地勢直欲坐待其斃何日始能了事所稱城中糧草殆盡之語恐亦未甚確實無論賊勢窮蹙與否總以剋日攻城殲滅淨盡爲上策不能專恃勇力之處卽應設謀用計妥速籌攻豈可坐待天晴始圖進取昨據僧格林沁奏挑挖重隄因運河斗漲致有衝決儻連鎖逆匪乘我兵泥淖難追併力南竄勢必勾連復熾剿辦愈難該大臣統籌全局必不敢有意耽延也另片奏商屬崇恩於武定德平一帶加意嚴防是否該撫親往抑係派員防守能否得力卽著妥籌具奏將此由六百里加緊諭知勝保並諭德勒克色楞善祿崇恩知之○勝

保奏聞連鎮軍營引水以灌賊營恐水潰賊竄已屬崇恩加意嚴防得旨亦不爲過慮想連鎮之賊不日亦應竄出矣○兩江總督怡良等奏江南焦山水營需用藥餉隨時接濟並無歧視得旨汝自到任以來何曾兼顧汝在彼何異於蘇州知府又奏廣東紅單船口糧經費當設法那款墊發不敢遲誤批如此甚好若再有遲誤必照軍法懲之○丙申熱河都統毓書奏遵旨籌款鼓鑄推行鈔法請官收銅百斤作銀十兩報捐者八十斤作銀十兩銅器百斤作銀十三兩並設立官錢局以逐卯所鑄之錢作爲票本得旨所奏俱妥實無可再議卽照所擬行○是月停徵河南鞏縣水占沙壓地畝額賦

東華續錄

咸豐三十七

臣王先謙敬編

臣陶濬宣恭校

秋七月戊戌朔修浙江海甯仁和海塘各工○己亥僧格林沁奏連日天色開霽運河水勢漸平而決口之水仍然汎濫漫流見在趕緊設法修築河隄嚴催委員將四面套隄築固以利圍剿而防水患又恐該逆趁水遠颺復經雇覓小船派撥官兵往來游弋晝夜梭巡該逆被圍情急時思潰竄連次乘夜出巢窺伺均經官兵擊退六月二十八日夜風雨大作該逆乘筏覓水向東面撲來勢極披猖奔至濠牆經慶祺明慶綢閣舒保巴揚阿等督兵極力截勦斃賊無數餘匪紛紛落水次日由決口漂出帶箭著槍賊屍一百餘具我兵陣亡官一員兵十名受傷官兵十四名其陣亡之黑

龍江正黃旗驍騎校委參領伊郎阿應請飭部照例議卹目下連
鎮軍營形勢利在速戰今臣挑濠築隄作此緩圖者因該逆百戰
之餘狡猾異常動輒潛匿死拒每遇合力併攻賊壘我兵多有傷
亡迭折精銳兩月以來設法引誘無計不施臣及各營統帶不論
風雨日夜隨時前往督視實未敢稍耽安逸惟有籲懇 皇上逾
格天恩寬予時日容臣趕緊圖功以贖咎戾 上諭軍機大臣等
覽本日所奏逆眾夜乘風雨竟至奔撲東面濠牆雖經我兵極力
擊退而斃賊並不甚多且弁兵亦有傷亡攻勦仍不得手似此展
轉遷延何日始能了事該逆圍困日久必亟思逃逸臣果全數竄
出我兵截勦自可得力惟見在河水漲溢辦理已形棘手設逆眾
四出奔逃我兵盡在西北一帶其東南兩面本覺空虚儻有疏虞
官兵爲水所阻更恐顧此失彼著僧格林沁熟籌妥辦計出萬全

或移營偏近賊巢以便堵擊或設法誘出痛加勦洗務期迅滅妖氛肅清畿輔斷不准以賊眾堅匿不出我兵進攻徒折精銳等語一奏塞責如再不能速戰滅此窮寇但以愚蠢自居尙欲懇恩寬予時日朕必治該大臣以有意耽延之罪別無他諭矣將此由六百里加緊諭知僧格林沁並諭西凌阿托明阿知之○諭前因武昌失守特授楊需爲湖北巡撫諭令統帶台湧所領之兵徑赴武昌復以阜市一帶尙有賊匪恐佈克慎不能分身令桂明作爲後路替回佈克慎隨赴武昌原期迅速進攻力圖克復本日據台湧奏阜市盤踞之賊一律肅清長江埠續來賊船亦已擊散佈克慎督兵折赴應城該處距江口較近正可催令趕緊前進爲該撫先聲舒倫保桂明抵德安後遷延不進前有旨令舒倫保來京陛見並令台湧察看桂明如不得力卽行參奏本日台湧摺內並未遵

辦但稱舒倫保於十一日拔營十六日始抵廬官店距雙廟驛尙有七十五里桂明於十七日啟程十九日始抵四里廟距灞口尙有一百四里見在飛催等語湖北軍情急於星火若皆似此耽延豈非有心貽誤楊需旣由德安一帶赴任應如何布置卽著節節妥籌以速爲妙舒倫保桂明果係有意逗畱卽著查明據實嚴參台湧請獎阜市等處勦匪出力人員並著該撫查明酌保毋許冒濫武昌省城文武下落仍著確查具奏將此由六百里加緊諭令知之○已革湖廣總督台湧奏謝革職仍畱差遣恩得旨汝之孤恩溺職至矣盡矣此次寄諭並未看明亦未令舒倫保來京昏憤若是無怪乎昧機失宜以後如果能振刷精神奮勉出力尙不難再承恩眷若一味擁兵自衛從旁掣肘是真一老廢物也朕必將汝軍法從事無待於楊需參劾汝曾歷戎行效力多年若末路不

能自保如博勒恭武之貽笑天下朕甚爲汝惜○辛丑諭內閣向榮奏請飭各直省嚴緝逃兵等語據稱募補新兵間有遠去無蹤經該大臣咨行通緝日久犯無一獲軍營兵丁豈容擅離營盤甚至私行逃脫於行軍紀律大有關係著各直省將軍督撫府尹遇有各路軍營咨拏逃兵卽照單開年貌趕緊緝拏務獲就地卽行正法毋任漏網以肅戎行○駱秉章奏賊自五月十三日竄陷龍陽後賊船由滄港白沙市駛進十五日攻撲常德府城十六日午刻城陷知府景星副將富勒敦遇害臣飛催游擊周鳳山都司李輔朝星速帶勇先進二十五二十七等日周鳳山等行抵龍陽賊船百餘隻飛駛前來上下分泊陸路賊匪從後繞撲營盤周鳳山李輔朝督勇分路鏖戰轟斃賊匪百數十名奪獲賊船二十餘隻賊船敗潰駛回二十八二十九等日大雨如注湖水驟長丈餘營

盤被水淹浸六月初一日賊船二千餘隻乘漲直偪營盤三面開礮轟擊周鳳山等見勢難支持一面分隊拒戰一面覓路退回毓德鋪沿途野潦縱橫各勇鬼水徑過閒有溺斃軍裝頗有損失是日貴東道胡林翼帶黔勇由益陽馳抵毓德鋪詢知前途無船勢難飛渡決計從益陽馬家塘取道黃土店可由桃源武陵邊境直抵常德飭周鳳山等帶勇徑回益陽整理軍裝自帶黔勇斷後以防賊匪追襲初四日胡林翼帶勇先發周鳳山李輔朝隨同前進貴州參將閃雲統帶黔兵六百行抵辰州已飛札會同胡林翼進剿臣伏想逆賊攻陷常德分踞岳州是全湖之險已爲該逆所踞雖中路進剿岳州之賊有署提臣塔齊布一軍西路進剿常德之賊有貴東道胡林翼一軍然止能於陸路相機痛剿若賊匪上船官軍卽未免望洋興歎是制賊死命終非水軍莫濟前禮部侍郎

臣曾國藩戰船修造甫畢廣西委員李孟羣所募水勇千名甫經到省鎮臣陳輝龍所造淺水挖罟尙須旬日後始可完工臣與曾國藩悉心商議以目今賊勢而論常德賊船多於岳州情形較岳州更爲喫緊曾國藩見擬將水師分爲兩起一起由益陽龍陽直抵常德遇賊卽剿一起稍後察看賊勢或合或分相機繼發務期與陸軍合力夾剿將兩城克復乘勢出江東下上諭軍機大臣等前因武昌失守當經諭令駱秉章迅催塔齊布等飛速帶兵東下以資援救嗣據該撫奏稱湖北賊匪竄陷華容龍陽等縣常德一路緊要已飭胡林翼統帶各路兵勇取道益陽馳赴龍陽相機進剿本日復據奏稱賊船由滄港白沙市駛進五月十六日攻陷常德府城覽奏憤懣之至常德與岳州對峙重湖賊勢猖獗亟宜迅圖克復胡林翼旣由益陽取道黃土店自桃源武陵繞道前進

著卽催令統領周鳳山李輔朝閃雲所帶各兵勇迅速進剿圖復郡城毋得再有延誤湖北自省城失陷後援兵甚少賊勢方張尤爲喫緊著塔齊布飛速統兵前進爲收復武昌之計楊需此時未知曾否渡江該提督由湖南東下較爲便捷著卽與楊需知照兩路夾攻勿稍延緩致干咎戾曾國藩所帶戰船旣已修造竣事李孟羣所募水勇業經到省著卽催令曾國藩迅帶頭起師船進援常德與陸路兵勇合力夾擊儻能將岳常兩郡收復卽可乘勢進攻武漢其澧州一帶文報不通並著確探情形檄飭地方文武加意防守常德府與湖北貴州毗連州縣並著一體嚴防毋稍疏懈將此由六百里加緊諭令知之○予湖南常德殉節知府景星等廣西陣亡縣丞洪錫恭等祭葬世職○駱秉章奏署提臣塔齊布於五月二十日進兵大荆驛賊匪在新牆築土城三座扼要抗拒

塔齊布飭都司普承堯由左守備彭三元由右親督兵勇由中分
路進剿並飭中軍都司滕遇春將前隊兵勇進攻槍斃賊匪數十
名連奪賊營三座賊匪潰竄適兩路兵勇繼至塔齊布率勇緊追
斃賊百餘名生擒長髮賊四十餘名奪獲賊船四十七隻此中路
獲勝之情形也其由平江進剿崇通賊匪各軍自五月初九至二
十九日大小十一戰據候選訓導江忠淑等疊次稟報統計共斃
賊九百餘名生擒百餘名陣斬賊目陳姓金姓僞司馬吳姓等多
名此東路獲勝之情形也見在兩路相機進剿兵勇尙爲奮勉堪
以仰慰 宸厯報聞○癸卯諭內閣前據戶部奏請停鑄當千當
五百大錢並慶惠等奏請停鑄當二百三百四百大錢均經降旨
允行原以折當稍重恐於民間日用不無妨礙是以斟酌時宜准
其停鑄至當百以下大錢子母相權整散互易通行遠近尤爲便

民乃據戶部奏稱訪聞近日當百大錢又有奸商折算等弊請飭嚴禁等語錢法損益朝廷自有權衡如果於民生稍有不便不難隨時變通若法本盡善而廛市小民妄肆阻撓任意折算實屬目無法紀此風斷不可長著戶部步軍統領衙門順天府五城一體出示嚴禁嗣後商民行使當百以下大錢儻敢不遵錢面數目字樣妄行折減使用甚至造言煽誘抗不收使以致愚民相率猜疑卽行拏交刑部從重治罪此等奸商阻撓錢法必應從嚴加等懲治著刑部迅速定擬罪名具奏至私鑄大錢人犯業經刑部奏定加重罪名此後私鑄當百以下大錢者並著刑部再行嚴擬罪名具奏仍著步軍統領等衙門認真查拏交部按律懲辦總之法在必行斷不能任令市儈把持妄冀變更成法也○乙巳諭內閣和春福濟奏圍剿廬州賊匪連獲大勝並舒城獲勝情形各等語六

月十八日和春等督飭各營於寅刻四面合圍齊抵廬州城下賊匪於得勝門出三四千人三路分撲音德布等亦分途迎勦斃賊無數逆匪敗退入城二十一日南門內出賊二三千人鄭魁士等帶領湖南宣化青州各兵兩路出擊殲斃甚多我兵追殺直抵城濠始行收隊連日逆賊止思堅守我兵見由紫金埂等處設法進攻其舒城股匪秦定三於十六日移兵進勦逆眾突出千餘人在三連橋一帶巡遊經秦定三督率郝光甲鮑雲翥等帶同兵勇直前迎勦該逆紮住不動秦定三卽揮兵三面夾攻賊眾敗走生擒僞指揮徐從新一名立即正法隨即移營楊家店至三角井二十五日進至五里橋遇賊二千餘人來撲當令郝光甲鮑雲翥等三面夾攻擊斃無算餘賊敗匿城內皖省逆賊久踞廬城又分占舒城一帶和春等進勦廬州節次擒斬已逾萬名奪獲賊巢多處連

日復大加痛勦郡城指日可復著卽乘此軍威剋期攻克其舒城一縣見已勦辦得手並著飭令秦定三迅圖克復再行移營前進掃蕩兇頑毋稍延緩○諭軍機大臣等前據駱秉章奏逆賊自五月十三日竄陷龍陽後由滄港白沙市駛進十五日攻撲常德府城十六日午刻城陷本日據官文等奏統籌全局摺內有賊撲常德經官兵擊退復竄岳州等語該將軍此摺係本月初二日拜發去常德失守之日已一月有餘何以官文等尙未得有確信殊不可解駱秉章前奏胡林翼周鳳山等由益陽取道黃土店自桃源武陵邊境直抵常德曾國藩亦由水路前進此後並未續報該將軍所稱常德澧州賊皆下竄究竟竄往何處亦未詳細敘明澧州與荊州連界道路並非寫遠何以未將實在情形探明具奏該將軍所籌全局尙係爲圖勦武漢之計見在賊陷常德距荊州甚近

逆蹤靡定尤應加意嚴防該將軍務當體察緩急情形隨時設備一面確探賊匪是否見尙盤踞常德抑係竄赴何路迅速奏聞毋稍遲緩楊霈此時諒已馳赴湖北督兵前進所有四川赴援兵勇即可歸楊霈調遣其荆襄一帶防守事宜卽責成官文貴陞實力督辦並與楊霈隨時知照互相策應軍情變幻靡常惟在該將軍等偵探明確相機布置毋稍大意據奏青麐魁玉楊昌泗收集潰兵數千名繞至長沙有來荆之說殊堪詫異青麐等兵潰後何以徑行遠赴長沙再來荆郡此信如果屬實著俟青麐等到荆後卽專摺迅速入奏聽候諭旨其所帶兵勇統歸官文等派員管帶潰散之餘固應收集惟台湧前在德安卽因潰兵失事此等潰散兵勇本不足恃且恐與賊匪暗相勾結該將軍等務須悉心詳查分別去畱毋致再蹈前轍將此由六百里加緊諭知官文並諭貴陞

知之○諭勝保崇恩奏武定防堵喫緊見籌布置情形一摺前因運河斗漲恐連鎮逆匪乘隙紛竄諭令崇恩於武定德平一帶嚴防茲據奏稱於本月初三日帶兵三百餘名自高唐赴省布置再赴武定等語此時勦賊正在喫緊之際儻連鎮賊竄而該撫轉迂道省城豈不有誤事機且高唐距省百有餘里一切事宜豈竟毫無聞見必須親往布置方可放心耶見在紳士等管帶練勇在齊河紮營扼要駐守雖奸細供欲窺探省垣難保非聲東擊西故智該撫豈可株守省垣致墮奸計著崇恩於到省查看後不准逗畱卽速出省督兵擇要扼守所有山東與連鎮接壤地方均著飭屬一體嚴防至德州一路仍當隨時督飭姚錫華等小心防範以杜逆匪紛竄之路該撫旣知統籌全局卽當權衡緩急毋得避難就易自蹈罪戾將此由六百里加緊諭令知之○丁未諭內閣刑部

奏遵旨加等嚴定私鑄大錢罪名並奸商阻撓錢法從重治罪一摺近來私鑄日多官局大錢日形壅滯復有奸商任意阻撓抗不行使於國用民生均有妨礙若非嚴行懲辦何以肅法紀而儆奸頑著照所請嗣後私鑄當百以下大錢人犯如係爲首及匠人數至十千以上或未及十千而私鑄不止一次者卽於斬候罪上從重請旨卽行正法其私鑄僅止一次爲數又在十千以下者仍照前擬定爲斬候入於秋審情實至爲首阻撓任意折算之商民人等卽照所擬杖八十徒二年再加枷號兩箇月爲從杖六十徒一年枷號一箇月均於犯事地方枷號示眾以示懲儆其私鑄人犯旣已嚴刑懲治官局各項大錢尤應加工鑄造磨鑄精工以期經久無弊並著各該管錢法堂官嚴飭該管監督司員認真查驗儻有偷工減料攪雜沙土及模糊破碎等弊除將鑪頭工匠按律治

罪外並將該管堂司各官一併懲處不貸○予直隸殉節知縣姚

學蘇等江西殉節教諭陳彬燮等祭葬世職○以麟興熙麟卓樸

匡源劉崐俱爲內閣學士麟興由副都統卓樸由大理寺少卿熙麟由郎中匡源劉崐由翰林院侍講讀

學士○己酉諭軍機大臣等琦善奏督兵水陸夾擊殲賊多名並

紅單船接仗情形一摺七月初二日我兵陸路攻勦瓜州雖轟斃

逆匪數百名而該逆避匿不出仍未能卽時克復覽奏實深焦急

至紅單船駛入大江初次與賊接仗雖銳意進攻尤應妥爲布置

何以賊船僅十餘隻輒稱賊於船後及土城內施放大礮紅單船

卽被洞穿兵勇亦多受傷是否陳國泰帶領頭起船隻未能得力

吳全美率二起戰船雖連燬金山礮臺偏近賊隄究竟斃賊多寡

亦未詳敘琦善節制水軍務當實力督率斷不可任聽該總兵吳

全美等稟報致誤事機此項船隻前次諭令琦善與向榮分提原

因金陵鎮江瓜州皆係濱臨大江該大臣等共辦一事何處攻剿緊要卽應先其所急據琦善奏向榮專札催提吳全美船隻已飭該員帶領二十五隻駛赴上游聽候調遣見在向榮攻剿金陵如果必須水師協剿自應分撥前往但該船上駛亦必經由瓜州若先併力攻克瓜州再行節節進剿則船多勢壯更可得力該大臣等務須體察見在情形扼要布置合力兜擊斷不准稍存畛域之見琦善見飭陳國泰所帶船隻於瓜州稍上駐泊其陳世忠所帶艇船見泊儀徵之泗源溝葉常春等所帶局艇廣艇在上游攔截江面著琦善卽嚴飭該員等認真扼截不得因紅單船到稍有推諉至焦山在鎮江之下必須兼防賊匪竄擾北岸該大臣飭令周士法回駐焦山所辦亦甚合機宜至覈減艇船雇價及水勇雇值不惟可節糜費兼可杜其紛爭所辦甚是乃向榮因聞石埭橋各

艇水勇不欲減價輒屬琦善調停將就殊屬非是身爲統帥遇事
依違何以整飭戎行著向榮與琦善悉心商榷斟酌妥辦儻有不
遵法令者卽從嚴懲辦毋得任令該水勇等藉端挾制致貽後患
將此由六百里加緊各諭令知之○辛亥諭軍機大臣等慶錫奏
遵議設局鑄造大錢章程各摺片所請先鑄當百當五十當十大
錢以期暢行著卽先行鼓鑄其錢背應鑄局名卽查照舊例用清
文寶薊二字至五字百字毋庸添寫人旁以歸畫一其餘各條均
著照所議辦理該總兵卽督率委員招匠試鑄以備搭放兵餉之
需儻因銅斤支絀或成本過重未能獲益卽著停鑄如果大錢流
通無滯所有部頒鈔票卽行暫存官局另爲設法變通著慶錫隨
時體察情形奏明辦理將此諭令知之○諭自六月二十八日接
據勝保奏報之後又逾半月並未續有奏報甚不可解豈連日以

來竟未接仗耶朕聞高唐賊匪於七月初一日由南面竄出將吉林馬隊衝散又由南面竄至西南面我兵勇多有傷亡該逆又復竄至勝保營後吉林馬隊亦被衝散帳房被賊用刀矛全行挑爛僅賸兩架並間逆匪於朝西等城牆用布挽作輦梯南城牆下穿有地道一條其餘三門俱用土木爲壘僅畱缺口一處以便出入據此情形勝保頓兵城下不但不能剋日進攻直並該逆出入亦不能防殊堪詫異該匪每撲一處馬隊總被衝散兵勇總有傷亡甚至大營之後亦被任意衝撲準備毫無可見所稱晝夜列隊悉力合圍者全係虛應故事又聞城中逆匪僅有三百餘名勝保以全力制之何難悉數殲滅軍心懈怠竟至於此勝保近日豈復蹈驕矜故習耶著於接奉此旨後卽將連日情形據實覈奏不准稍有掩飾並卽督率兵勇悉力進攻早圖克復儻仍似此疏懈攻旣

不能圖又不密老師糜餉坐令窮寇稽誅勝保等玩誤之罪斷不能曲爲原宥也將此由六百里加緊諭知勝保並諭德勒克色楞善祿知之○王子諭內閣前任湖北巡撫青麐自簡任封圻以來正當黃州漢陽賊匪充斥之際武昌兵單餉匱本屬實情朕以青麐在學政任內保守德安郡城念其勤勞畀以重任疊據奏報省垣布置屢次擊賊獲勝計八十餘日中困苦艱難所奏原無虛假朕方節次嚴催各路援兵前赴武漢救應但以道途多阻未能迅速趕到青麐於六月初二日大股賊匪攻城時業已派魁玉楊昌泗帶兵連踏賊營五處但能督率官兵感激眾心竭力鏖戰何至省城遽爾失陷即使嬰城固守坐待援師亦望解圍有日方當宥過敘功縱或力盡捐軀不失城亡與亡大節褒忠有典豈不心迹光明乃本日接到青麐奏報稱於武勝門督戰時見城內黃旗皆

出土匪內應兵勇潰散率與魁玉楊昌泗擁眾遠避爲移師就餉之謀徑赴長沙直是棄城而逃曷勝痛恨儻青麀爲收復武昌計或就台湧軍營併力進取或從官文乞師前來戴罪圖功亦可爲之曲諒長沙則去武昌甚遠並非青麀所轄之地越境偷生何詞以辯若再加之寬典則疆吏守土之責幾成具文何以對死事諸臣耶所稱沿途攻勦擬抵荊州皆是任意鋪張希圖掩飾與前奏不敢畏蒞巧避置城池人民於度外大相逕庭朕賞功罰罪一秉大公豈能以青麀前此尙有微勞稍從末減青麀著俟到荊州時交官文卽行傳旨正法中外臣民當知朕倚任青麀之念甚切而青麀喪心負恩自取罪戾國法具在豈能曲爲原解涼州副都統魁玉駐兵洪山賊由該處衝入咎無可免惟前赴長沙係由青麀率同偕往且非守土之官罪止失律著卽革職與在籍已革總兵

楊昌泗均交楊需軍營酌量差遣仍著隨時察看儻該革員等不知愧懼並查有臨陣退縮巧飾推諉情事卽一面據實奏聞一面以軍法從事○諭前因御史范承典奏請將出土銅斤覈實辦理當經派令阿靈阿會同該御史前往確查具奏茲據阿靈阿等奏前往銅廠查驗後隨赴該局將銅斤試行煎鍊經文瑞攔阻謂其不應擅入並據文瑞奏稱阿靈阿等私自至局煎鍊銅斤恐啟偷漏之弊實屬膽大妄爲等語阿靈阿范承典經特旨派令將出土銅斤查驗該尙書等於赴廠查驗後因銅色不一卽攜銅至該局煎鍊自係爲辨別銅色期於覈實起見況廠中之銅業已運往局中卽爲該尙書等應查之件阿靈阿范承典並無不合文瑞於奉旨飭查事件竟敢藉詞攔阻聲言不應擅自入局輒以阿靈阿膽大妄爲參奏已屬荒謬且欲勒令該尙書等寫給是金是銅字據

尤屬負氣任性有乖體制文瑞著交部議處○諭軍機大臣等有人奏豫省辦理錢糧未能妥善請飭設法豫籌一摺據稱中州兵差絡繹民力凋敝自交納錢糧有半銀半錢之章程而官之取於民者依然是銀民執章程以請命官卽以爲刁抗民所以不能甘心致滋事端至州縣官亦因錢二千作銀一兩則耗銀無出辦理錢糧必致棘手應豫籌官民兩便之方消患未萌等語所奏均係實在情形著英桂督飭藩司鄭敦謹按照所奏細心體察各情相機妥辦務當籌畫全局力求變通之法庶使官民不至交困至被兵處所已有旨分別蠲緩其餘應徵錢漕如有抗不完納者必當擇尤懲辦毋得因循畏事以致釀成大患該撫前奏許州尉氏兩案業經於摺中批示將爲首倡謀之犯盡法懲治見在此案是否辦結並著一併覆奏毋稍遲延原摺著鈔給閱看將此由五百里

諭知英桂並傳諭鄭敦謹知之尋奏尉氏已將首犯王添佑拏獲並獲從犯多名許州亦經拏獲要犯報聞○諭楊需奏通籌楚北全局一摺朕詳加披覽所稱安陸肅清則荆襄鞏固然後可圖進取之語自係審度形勢爲先保江北起見但此時賊踞武昌以漢陽黃州爲犄角若不急圖進取則該逆日久盤踞根蒂愈固攻克愈難自以迅速進兵直達武昌爲第一要策桂明佈克慎台湧所帶之兵計已不少所駐之應城長江埠楊店皆已逼近漢江台湧前奏已飭劉富成覓船渡兵兩月以來當有就緒該撫既有三路進兵之議亟應趕緊前進著楊需卽督桂明佈克慎台湧各帶官兵分道速剿至雙保一軍前據官文等奏已飭由沔陽州之仙桃鎮漢陽縣之蔡店直搗漢陽如已啟程則該署總兵已就近鈔出漢川黃陂前路桂明等所帶官兵夾江並進愈不可緩儻因安陸

土匪又令雙保折回北境誠恐益形迂緩該撫但當以速克武昌爲急不可稍涉遲疑舒倫保前已有旨諭令來京陛見所帶官兵卽著該撫統帶前進後起之兵何以至今未到顯係沿途逗畱卽著飛飭嚴催以資攻剿另片奏請將被賊蹂躪各州縣分別辦理等語地方被賊肆擾州縣文武罪名原不容稍從末減姑念湖北見在委用乏人各該州縣中如果情有可原尙能戴罪圖功者著暫准其量加寬減其平日居官庸劣及毫無準備畏葸退縮之員卽按律重懲斷無足惜此係權宜辦理該撫務當確覈功過信賞必罰不可徒爲屬員開脫所保之黃安縣知縣許廣藻已明降諭旨以湖北知府升用先換頂帶並賞戴花翎因思黃州府知府周炳鑑該省奏報中從未敘及黃州府爲扼要重地如知府得人各屬團練用命不但爲楚省屏障兼可爲皖豫聲援該府周炳鑑此

時儻尙未到任卽可將許廣藻升補是缺卽使業已到任而才力
或有不逮亦可撤回以許廣藻奏補如實係無須更調卽將許廣
藻暫畱黃安本任毋庸開缺均著該撫察看具奏將此由六百里
加緊諭令知之尋奏周炳鑑見署鄖陽府請將許廣藻署黃州府
仍兼攝黃安縣事從之○駱秉章奏本月十四日接據提臣塔齊
布函稱十一日有把總林從根等自湖北來營稱鄂城失守巡撫
青麐荊州副都統魁玉率領兵勇難民南來將次行抵新牆臣接
閱之餘不勝駭異見在賊踞岳州常德府城之賊盡由西湖乘船
赴岳本省北路防勦戒嚴之時鄂城文報久梗眞僞難知若奸匪
冒稱北省兵勇乘機詭溷貽誤堪虞當委把總朱廷勛馳往偵察
旋據撫臣青麐來函具言失守緣由並饑疲不堪情狀臣速撥
米二三百石暫資接濟意在取道速赴荊州臣一面趕緊籌備一

面飛函青麀將各營兵勇及同行難民實數查明以便料理又委補用知府裕麟等迎往安撫截止北來兵勇毋許闖入省城以防奸匪溷迹並裝米八百石錢三千串運赴涇溪渡交青麀暫行散給卽紮營距省三十里白馬鋪地方收集潰卒按名查點聽其分別隨征散遣再由南省酌撥口糧遣赴荊州以圖再振 上諭岳州一郡爲南北衝要屢經逆眾竄距此次該逆復由常德全數退竄該郡城外欲爲久踞之計塔齊布曾國藩水陸各軍皆爲所牽掣不能出湖東下圖攻武昌此時常德回竄之路固不可不防而岳州大股必須迅圖剿辦以扼其吭所有添撥塔齊布之湘楚各勇數已不少曾國藩頭起師船亦經啟行正可乘此聲勢迅籌水陸夾擊之策惟須面面兼顧使逆眾不能來往自如方能掃除巢穴斷不可輕於一擲再致損我軍威諒塔齊布與曾國藩同辦此

事必能和衷商榷計出萬全也楊需見由德安一路進攻武昌並著駱秉章等設法隨時知照俾彼此互相應援其湖北難民應如何安撫資遣之處並著該撫迅籌辦理毋令別滋事端將此由六百里加緊諭知駱秉章並諭塔齊布曾國藩知之○怡良奏接英人包哈公文稱前在粵東時欽差大臣酬接無禮並接美人麥蓮勒畢噉照會擬與包哈同赴天津奏入 上諭怡良仍令其赴粵聽候查辦並諭葉名琛設法開導堅守成約○直隸布政使庚長奏遵查各屬錢糧徵解情形得旨覽奏尙係實情今年下忙徵收若何豈敢豫定兢業之念無時或失尙恐精神有不到之處若妄冀將來是先存一自滿之念大不可也著隨時與桂良悉心商酌實力籌維近來各省習氣動請部撥試思部庫焉有若是之多款供天下之用也大都封疆大吏未必不知京餉支絀姑爲是請以

圖省事蓋因平時漫不經心安榮處優坐享其成及至束手無策
非請撥無以爲計若肯蚤夜孜孜視地方之事如一身一家之事
然豈有痛癢相關之切不盡心救藥者乎此旨與桂良看○癸丑
諭軍機大臣等皖省廬郡攻圍日久未能克復秦定三帶兵勦辦
舒城逆匪雖屢經獲勝亦尙未攻克本日據和春等奏復有大股
賊匪由英山霍山竄至六安並因舒城攻勦緊急賊眾由金陵桐
城安慶前來接應是皖省勦賊情形極爲喫緊且各路派員防堵
以及勸諭捐輸設法籌餉存在在需人經理已革刑部侍郎雷以誠
見在襄下河駐紮著琦善卽傳諭該革員迅速前赴安徽和春福
濟軍營幫同辦理籌餉防堵各事宜其所帶襄下河募勇並經手
事件著琦善另派得力幹員前往接辦毋稍疏虞將此由六百里
加緊諭知琦善並傳諭雷以誠知之○諭和春福濟奏添兵助勦

舒城逆匪並逆匪竄至霍山攻撲六安各摺片逆匪屢次攻撲雖經秦定三督兵攻擊疊獲勝仗而該逆以大股抗拒並於入城要隘築壘阻我進兵羅大綱復帶賊眾由金陵安慶桐城前來救援是該逆大股踵至不但欲救援舒城兼欲解廬州之圍以圖北竄秦定三見在兵力甚單自應添撥兵勇馳往協剿和春等見派音德布帶雲南四川及開化兵勇一千六百名並撥川勇四百均歸秦定三節制自應如此辦理逆匪見由霍山攻撲六安難保不窺伺北路正陽關僅劉玉豹帶兵數百名殊嫌單薄儻秦定三因攻剿舒城深入重地而該逆竄擾六安則我兵必有腹背受敵之勢英霍一帶又與湖北蘄水接連設該逆乘北路空虛肆行奔突爲害更鉅著秦定三察看緩急情形一面攻剿舒城仍應兼顧後路以杜逆匪北竄袁甲三見駐臨淮和春已咨調該處兵一千名馳

赴正陽關著袁甲三卽飭帶兵各員迅速前往仍著隨時偵探賊情相機堵剿務期聲勢聯絡以遏賊衝並嚴飭劉玉豹等實力堵禦毋稍大意和春福濟仍當察看西路情形如須再添兵力卽速撥往應援見在高唐連鎮逆匪尙未肅清若令南賊續行北竄朕惟該提督等是問另摺奏皖省軍餉緊要請飭廣東山陝撥解又片奏安徽被賊蹂躪地方凋敝無款可籌自係實在情形惟錢漕爲國家惟正之供藩司職任度支所有未被兵州縣應如何遴選賢員設法徵收以濟軍餉豈得盡仰給他省束手無策和春福濟但慮兵潰由於餉絀而不計及餉糜由於師老若各路帶兵大員攻剿迅速何至虛糜如此鉅款耶至淮北滯引前據袁甲三奏設法疏銷此項鹽課如果辦理得宜亦可陸續接濟大營軍餉著袁甲三統籌全局與和春等通融辦理以濟急需將此由六百里加

緊各諭令知之○諭和春福濟奏皖餉緊急請分飭撥解一摺前因安徽需餉孔急令和春等仿照金陵協濟章程約計兵勇數目每月需銀若干就近咨商各督撫按月供給並准戶部所議令山陝兩省月解皖餉各五萬兩以應支發茲據和春等奏需餉情形甚爲急迫見在廬州舒城等處正值攻剿喫緊之時若令餉絀兵譁軍心渙散關繫非輕著恆春王慶雲遵照前旨設法通融按月撥給銀各五萬兩迅速起解趕赴和春等軍營應用毋稍遲誤本日據王慶雲奏陝兵出境赴襄樊防剿請飭山西籌餉協濟並著恆春與王慶雲酌度緩急通融辦理將此由六百里加緊各諭令知之○甲寅僧格林沁奏查見在賊情已離所需用米麥漸至缺乏馬草尤爲短少兩岸套隄竣工擬將圍隄衝決之處補築東面賊巢水深二三尺至四五尺不等再將決口補築俟水勢益深該

逆卽難容止惟河西地勢較高見因下游河水太消不能浸灌恐該逆蟻聚西岸然究屬一隅之地設由西岸進攻或易得手

臣惟

有體察情形籌度進取不敢稍事遷延護軍統領玉明侍衛薩克慎分起馳抵大營經

臣

飭令帶兵在連鎮南面屯紮新到之兵跋

涉勞頓一面暫令休息以蓄精銳一面嚴督統帶之員詳加教導藉收生力之效得旨朕日盼捷音甚切汝豈不知此次所奏各情尙係毫無把握朕實不解功罪惟汝自取朕亦無可再諭矣又奏請將已革發遣漕運總督李湘棻畱營差委並先繳台費批李湘棻著准其畱營差遣如不得力卽行正法或仍行發遣惟不准免罪亦不准先繳台費以昭覈實○丙辰諭內閣戶部奏請發寶鈔易換當千當五百大錢等語此項大錢或令換鈔或於捐輸等項內分成酌量收回著戶部再行妥議具奏尋奏當千當五百大錢

甫經行使卽形壅闕者以折當過多私鑄益眾利之所在法難盡
除旣停鑄以清其源必收回以防其弊而尤在收之迅速使私鑄
無隙可乘則不禁自絕前議以寶鈔收回大錢少則旬日之間多
亦不過一月而止不至遷延滋弊捐輸之搭收大錢與大錢換鈔
殊途同歸而一速一遲不無區別仍請將寶鈔發給錢行經紀驗
明局鑄大錢如數收回以昭便捷從之○丁巳諭內閣雷以誠奏
土匪聚眾焚搶派員勦撲擒獲首要各犯一摺揚州府東鄉地方
土匪董文瀾李大坤俱萬祥等藉霸租爲由聯絡各莊斂錢聚眾
經雷以誠訪聞卽傳知雷營差委之已革揚州府知府張廷瑞督
同文舉人李寅清赴遠近村莊妥爲勸諭先後解散者五十餘莊
六月二十五日董文瀾等鳴鑼糾眾分起搶掠當卽派委直隸州
知州銜陳錫麟揀選知縣任桂會同張廷瑞帶勇分路進勦該逆

紛紛逃竄並經琦善飭令揚州營參將王德等帶兵會剿任桂帶勇追至董文瀾所住之官劉莊剿斃匪犯多名並將其巢穴房屋焚毀旋於孫家墩將董文瀾擒獲復追至六甲地方將李大坤等住房拆毀卽會同州縣營汛將李大坤卽萬祥兩首犯擊獲並知情同謀之要犯劉長明等十八名另股糾搶要犯陳加桐等七名先後擊解到營均於訊明後就軍前正法東鄉各屬見已安靖此案東鄉土匪聚眾肆搶經琦善等派委員弁勦撫兼施立將首要各犯悉數擒獲辦理尙爲妥速所有在事員弁著琦善雷以誠擇其尤爲出力者酌保數員以示獎勵各該地方州縣營汛各官雖經失察於前尙能協緝於後所有應得處分均准其寬免其東鄉一帶地方仍著琦善派委委員隨時稽查毋稍疏懈○諭軍機大臣等吉爾杭阿奏三次轟坍漚城大獲勝仗一摺逆匪占踞上海

縣城我兵圍攻日久總未能埽穴擒渠此次三處地雷同時舉發
疊次環攻雖殲斃賊黨一千四百餘名而該逆於城中豫築土壘
挖掘內壕以致未能即時克復縣城且我軍傷亡弁兵亦復不少
失此機會殊覺可惜該逆經此懲創或仍負隅死拒或意圖他竄
均未可定著吉爾杭阿仍嚴飭各營將弁迅速進攻務將縣城克
復首夥各犯悉數殲擒毋令乘間竄逸吳健彰見已拏問所帶水
師必須揀派得力將弁統帶以期水陸夾攻剋期收復毋得再事
遷延致干重咎將此由六百里加緊各諭令知之○予江蘇陣亡
副將清長等祭葬世職○戊午諭內閣前有旨嚴定私鑄當百以
下大錢並阻撓行使各罪名各該衙門諒已遵旨出示剴切曉諭
俾兵丁商民人等一體懷遵矣因思大錢製造之初民間極知寶
貴嗣因私鑄充斥真偽難分以致商民猜疑錢法不免壅滯茲已

降旨停鑄當千當五百大錢但鑄當百以下各項大錢與制錢相輔而行輕重相權均勻搭配便民利用必可暢行惟官局製造若不精良仍恐私鑄得以淆混著該管錢法各堂官嚴飭監督司員等督率工匠所鑄當百以下大錢務須加工磨鑢色澤光潤俾私鑄不能相混而市僧奸商亦無所藉口儻查有偷減工料及攪雜破碎者卽行嚴參懲處其奸民私鑄及官局偷漏等弊仍著步軍統領順天府五城嚴拏務獲按照新例從重治罪至各直省鼓鑄大錢亦著各該督撫嚴飭局員認真查驗如有前項弊端立卽查明從重懲辦毋稍疏懈○諭陳啟邁奏剿辦武甯匪徒疊獲勝仗收復縣城一摺江西武甯縣被匪竄擾經陳啟邁派委浙江處州鎮遊擊常海等帶兵往剿並令南昌府知府史致諤前往督辦六月初四日馳抵該處會同已革署武甯縣事通判王宇英分撥兵

勇堵賊竄路初七至十七等日五次進攻多有斬擒其由紫鹿嶺
敗逃賊匪亦經義甯靖安官兵剿殺復於十九日派湖南邵陽縣
知縣劉馨朝分投設伏王宇英等分爲四隊史致諤常海督同臨
川縣知縣馬永熾等督帶兵勇往來策應於是日已刻出隊分撲
賊營該逆突出二千有餘向前迎拒常海親督兵勇槍礮齊施眾
軍左右衝突刀矛繼進自已至未鏖戰三時之久賊匪紛紛敗竄
我兵收復縣城並將南西二面賊營一律踏毀敗逃餘匪多被劉
馨朝等伏兵所殺城內城外賊屍枕藉長髮居多黃衣紅衣賊目
亦復不少統計斃賊不下千餘其追逼落河及翻山跌斃者不可
數計生擒冷紹仁等二百三名均卽審明正法此次剿除武甯匪
徒收復縣城辦理尙爲迅速該撫仍當嚴飭該文武等接剿逆匪
勿畱餘孽所有在事出力員弁兵勇及陣亡士卒紳勇卽著查明

彙案覈辦南昌府知府史致諤例有應得處分惟勦捕出力克復縣城功過尙足相抵著加恩免其議處另片奏司道各員平日辦事實力實心且股匪皆由湖北竄入並非本地奸民會匪請免處分等語藩司陸元烺督糧道鄧仁堃均未督辦臬司惲光宸雖帶兵出省亦未前赴武甯勦捕應得處分未便概予抵免仍著該撫咨部照例辦理○已未諭內閣和春福濟奏連日攻勦廬州舒城逆匪大獲勝仗一摺皖省賊匪困踞廬州並擾舒城七月初九日經和春等督率官兵前赴得勝門盡力擊殺賊勢大潰官兵追殺直至城下統計斃賊一千餘名十二日黎明復令楚勇於得勝門外誘敵突出賊匪千餘人各勇迎擊後路官兵馳至斃賊二三百名舒城逆匪駐紮橫嶺經秦定三於七月初六初七初八初十二日督同郝光甲等分勦斃賊無數廬州舒城逆匪屢經痛勦勢

更窮蹙仍著和春秦定三等督飭將弁兵勇乘此聲威剋期收復
毋稍延緩陣亡兵勇咨部照例議卹另片奏請將疊次進剿出力
之文武員弁兵勇鼓勵等語著擇其尤爲出力者酌量保奏其堵
剿出力之紳耆團勇並著從優保奏以昭激勸○諭軍機大臣等
勝保奏遵旨覆奏高唐進攻情形覽奏殊多粉飾以馬步兵勇列
營分布攻此孤城不能迅速滅賊專事晝夜巡防直是反客爲主
勝保帶兵轉戰經年何至如此不知振作培成那敷德等係屢經
嚴諭飭令查參之員既稱不能得力卽應從嚴甄別何以一味姑
容不行參奏轉以尙非退縮畏葸等詞爲之開脫軍營人員必須
隨時察看方能一人得一人之用若委曲遷就徒事瞻徇無怪將
驕兵惰日久無功所稱鑄造大礮以爲轟城之具尤屬無此辦法
已於摺內詳晰批示勝保前此進攻高唐月餘之久始稱步隊未

有藤牌今又越月餘始擬鑄造大礮竟似進攻之始毫未計及備鑄成之後又似呂公車之不能適用勝保又將何所藉口至覆奏吉林帳房被賊挑破一節諉爲造飯帳房尤屬含混外省覆奏事件每多避重就輕朕方且力加整頓軍營之中豈容有此習氣其所稱過蒙寬恕優容卽不免人言藉藉之語更屬非是勝保果能剋日奏功卽有人言從何而入況經朕訪聞特旨詢問之件而勝保敢爲此語將必使朕毫無聞見以遂其遷延掩飾之私耶所請籌撥餉銀此時籌餉之艱勝保諒所深悉卽有指撥之款亦恐不能剋期解到自應仍由東省籌畫就近供支亦豈能任聽該省以不能接濟爲詞專待他省協撥也將此由六百里加緊諭令知之○諭前據駱秉章奏常德賊匪全竄岳州欲圖久踞當以該郡爲南北衝要諭令駱秉章並諭塔齊布曾國藩速將此股逆賊合力

殲除方可出湖東下爲進攻武昌之計連日未見續報朕心懸念殊深此時盤踞武昌之賊仍恃黃州漢陽爲犄角楊需行抵德安後能否卽日渡江進剿尙未可定而岳州大股又成負隅之勢塔齊布所領各兵早由湘陰一路直趨前進嗣復添撥練勇三千六百名兵力尙不爲單一切剿辦機宜是否確有把握曾國藩後起師船如已布置停妥亦應跟蹤疾進以圖併力環攻前派赴龍陽常德援剿之升任臬司胡林翼所帶楚黔各勇亦有二千餘名之多目下常德賊匪退竄西路情形較鬆卽可飛催該臬司迅卽移歸岳郡隨同塔齊布等相機協剿其由平江進剿崇通之江忠淑一軍前奏早抵湖北儻剿辦得手亦可由通山咸甯一路馳赴武昌攻賊之背並著該撫等酌度情形妥速籌辦值此兵力厚集之時該提督等惟當迅圖攻剿毋致坐失事機所有緊要軍情卽由

塔齊布曾國藩隨時由驛馳報不可稍涉拘泥本日據勝保片奏
在高唐州城外擒獲偽總制一名供稱逆首楊秀青籍隸湖南耒
陽縣住城外西鄉三角坪地方伊父楊大朋犯罪早經明正典刑
家中尙有親屬等語著駱秉章迅卽遴委妥員密速馳往查訪如
逆首楊秀青實係耒陽縣人卽將逆族親屬盡行拘拏到省盡法
懲治並將該逆祖父墳墓查明後發掘焚燒以除孽種將此由六
百里諭知駱秉章塔齊布並傳諭曾國藩知之○和春福濟奏據
潁州府知府陸希湜山東都司王崑會稟霍邱擒首陳玉李士林
嘯聚多人四路搶掠陸希湜會同劉玉豹於五月二十九日督率
兵勇圍剿斃匪六七百名生擒數十名惟陳玉等免脫該府縣激
勵兵勇團練懸賞購拏嗣探得陳玉在唐家樓李士林在馬家店
六月二十三日陸希湜等商定先剿陳玉帶領弁兵團練並有曾

犯搶案之金玉華汪明魁爲之前導行抵馮家集陳玉聚眾迎拒
官軍奮力攻擊斃匪多名二十四日追至三元店又斃數百名二
十五日陳玉退至唐家樓兵勇圍練四面圍住該逆之弟陳三帶
領多人由後來攻兵勇齊力擊退惟匪巢防守極嚴外有深溝寬
至二丈經金玉華等紮筏搶過兵勇蠶擁直前陳玉藏避屋內連
開大礮金玉華汪明魁等首先闖進立將陳玉擒獲割取首級並
將餘匪數百名全行殺盡陳三潛逃當卽追獲訊明正法先後計
斃匪黨一千餘名搜獲偽印並粵匪書信多件臣等查陳玉係著
名巨匪本年春間署霍邱縣知縣徐毓寶赴鄉查拏膽敢糾眾戕
官勾結逆黨實屬罪惡貫盈茲竟翦除淨盡洵足伸國法而快人
心該文武辦理妥速頗合機宜俟查明尤爲出力人員另行奏獎
並飭趕緊查拏李士林務獲報聞○勝保等奏連次進攻高唐州

賊匪均未得手見在設法勦辦得旨屢次進攻總有傷亡兵勇殊堪痛恨勝保負恩貽誤卽在軍前正法亦屬罪有應得姑念汝以前尙知奮勉暫觀後效懍之又奏籌措經費擬鑄萬餘斤大礮轟城批藉此遷延時日斷無此辦法卽使造成能放何以運轉靈活朕聞汝等營盤離城有十里外者覽此益徵萬餘斤大礮非進攻之具不過冀其猛烈實先存畏葸之心勝保近日習氣已深朕爲汝惜利害太分明身家之念重朕爲汝恨○以勦賊遷延拔欽差大臣勝保花翎○庚申賂秉章曾國藩奏賊匪復踞岳州分股竄越西湖攻陷龍陽分陷常澧嗣聞官軍大至於六月初五六等日駛船退守岳州東南門外築壘設卡拆毀橋梁爲負隅久抗之計臣等念賊舟累萬盈千非舟師莫能制其死命卽飭水師後營知府褚汝航同知夏鑾知縣彭玉麟守備楊載福各帶水勇合以先

鋒嚮導等船計共二千人於十三日自省河頭幫啟行進泊鹿角
遏賊上竄之路時提臣塔齊布陸營駐紮新牆分兵援常澧一帶
臣等因其兵力稍單會調知府羅澤南帶湘勇一千名知府魁聯
帶寶勇一千先後會剿復調周鳳山由常德馳至新牆搭造浮橋
約期水陸並進二十七日褚汝航等進泊萬石湖親駕小船前往
君山一帶見賊舟灣泊甚多遂將小船前往誘敵逆舟開礮抵拒
嚮導官生員何南青奪獲賊船一號擒賊五名因天色已晚仍回
泊萬石湖該營官等業已探明虛實會商定計以君山雷公湖等
處先須設伏再用小艇駛入南津港誘賊出追乘隙截擊遂於二
十八日繪圖貼說稟商臣等二十九日夜分五隊進兵彭玉麟埋
伏君山南岸楊載福埋伏雷公湖上游夏鑾及先鋒營由鵬山直
趨南津港褚汝航隨後策應又派何南青在新牆河口多張旗幟

作爲疑兵午刻夏鑾等舟行距港不遠該逆出拒我軍開礮一周轉舵佯敗該逆不敢出追我軍轉向開礮彼此相持突遣三板數隻斜趨入港賊遂蠡擁而出三板又復佯卻逆舟左右攻圍忽楊載福雷公湖伏兵先起鈔賊之尾彭玉麟君山伏兵繼起闌賊之腰褚汝航坐船亦到併力合攻擊沈燬賊船百餘號轟斃溺斃賊竄下游自相撞擊我軍嚴鼓進追沈燬賊船百餘號轟斃溺斃賊匪約三百餘名生擒六十二名奪獲賊船大小三十四隻槍礮旗幟無算初一日各戰船駛至城下見水陸之賊並空褚汝航等率水勇入城安撫難民踏毀賊營此三十初一等日水師獲勝克復岳城之實在情形也時各營水師分泊南津港君山一帶仍刻刻戒嚴防賊再犯初三日賊果蠡擁而來我軍分五隊迎敵先令嚮導官何南青先鋒蘇勝等誘敵褚汝航彭玉麟楊載福等率船齊

進槍礮兼施趁北風擊折該逆頭船之柁逆眾落水遂奪其船彭玉麟由湖西鈔尾而來正遇大鈞鉤賊船扣篷迎敵彭玉麟親點大礮羣子散落中賊十餘人賊船即時紛亂復拋擲火罐中賊之火藥船煙燄迷漫哨官把總孫昌國爭先跳入賊船被賊還擲火包身受重傷左營各戰士不稍退怯反冒火衝煙奮力追殺殲斃偽丞相一名生擒三十五名楊載福坐三板艇由湖東沿岸斜行捷如飛鳥及近賊船舉旗一招眾礮齊響斃賊十餘名楊載福微傷左臂轉戰不休該匪三路皆敗自相仇殺狂竄下游褚汝航往來策應督令大隊進追由城陵磯羅山白螺磯等處直追至臨湘縣對河距岳州七十五里時日已西沈鳴金收隊逆船三四百號全行覆沒共計斬首二百七十二級生擒長髮短髮一百三十四名奪船七十六號燒斃溺斃之賊甚多所獲旗械無算此次逆賊

重踞岳州被官兵擊退復集長髮死黨悉銳來犯幸水師連捷疊
擊無遺其由陸路同時來犯者復經提臣塔齊布派都司彭三元
諸殿元普承堯等沿岸截剿輾斃執黃旗賊目一名餘匪百餘名
生擒四十五名水路敗竄上岸之賊概經我軍截殺此皆仰託

皇上天威遠震故能將士用命大挫兇鋒郡城克復知府褚汝航
應請免補知府以道員儘先選用升用同知夏鑾請以同知遇缺
卽選並賞戴花翎知縣彭玉麟應請加同知銜並賞戴花翎守備
楊載福應請以都司畱於本省遇缺卽補並請賞加勇號文生何
南青應請以主簿選用其餘出力員弁兵勇可否由臣等擇其尤

爲出力者覈實開單保奏出自 天恩又奏廣西升用道李孟羣
招募兩廣水勇一千名已到長沙廣東續解之五起六起鐵礮一
百八十尊亦經解到山東登州鎮總兵陳輝龍到湘以後新造淺

水挖罟二號於六月杪畢工臣曾國藩卽於七月初六日自省河起碇開行鎮臣陳輝龍帶廣東水師弁兵四百餘員名李孟羣帶兩廣水勇一千名亦於初六初八等日啟行均用湖南柁工水手人等撥配約計前後兩幫水師共四千餘人又用陸勇二千雇船隨行每遇賊船灣泊之處卽用陸勇登岸紮營以資護衛見在水師已屢獲勝臣國藩率後幫到岳卽當會合痛剿上諭內閣駱秉章曾國藩奏水師克復岳州湖南賊踪全數殄滅一摺此次克復岳州大獲勝仗湖南逆踪業就肅清江路已通重湖無阻卽著塔齊布曾國藩會督水陸兵勇乘此聲威迅速東下力擣武漢賊巢以冀蕩平羣醜至此次督戰獲勝之卽補知府褚汝航綜理水師營務疊著戰功著以道員歸部儘先選用升用同知夏鑾輕舟誘賊不避危險著以同知歸部遇缺卽選並賞戴花翎卽選知縣

彭玉麟親點大礮立燬賊船著賞加同知銜並賞戴花翎補用守備楊載福手刃賊目襄創力戰著以都司留於本省遇缺卽補並賞給彪勇巴圖魯名號藍翎軍功文生何南青嚮導得力誘賊有功著以主簿歸部選用其餘員弁兵勇著駱秉章等擇其尤爲出力者覈實保奏候朕施恩○諭軍機大臣等御史伍輔祥奏錢法新定章程請飭速爲曉諭以期疏通一摺京師糧食最關緊要據該御史奏稱近因京外各處販賣糧食來京者不肯使用大錢致外來糧食日少糧店紛紛歇業至銀市以錢買銀大錢制錢價值懸殊且天津通州等處私鑄甚多潛運入京以致大錢愈賤各等語前經疊降諭旨停鑄當千當五百大錢其當百以下大錢飭令通行已由戶部步軍統領衙門順天府五城出示曉諭京城內外見已遵行收使惟京外順天直隸所屬地方尙未能一律周知鄉

民販賣糧食來京者恐仍不免疑慮以致京師糧店不能以大錢收買糧價日昂於錢法仍有窒礙著賈楨李鈞桂良飭令所屬將前奉諭旨於城鄉等處徧行曉示並諭以見鑄當百當五十當十當五各項大錢於便民裕國之計實屬權衡至當行之永久決無變更俾小民知當百以下大錢可以久遠存儲自必爭相寶用遠近通行如糧市經紀有把持阻撓等弊卽著嚴拏懲辦務使京師糧食無昂貴之慮而大錢亦無壅滯其銀市以錢易銀亦著嚴飭經紀大錢與制錢均勻配搭毋許稍分輕重任意折抵庶錢價平而百物之價俱平至私鑄罪名業經加重仍恐差役等有得錢賣放之弊著順天府兼尹府尹直隸總督飭令所屬於私鑄大錢人犯務應嚴密查拏毋任漏網天津通州等處私鑄甚多並著嚴飭各屬認真查拏按律懲辦如有奉行不力者卽據實嚴參毋許徇

隱將此各諭令知之○諭駱秉章曾國藩奏克復岳州一摺此次收復岳州得力全在舟師塔齊布於陸路亦有斬獲覽奏稍慰朕懷據稱該匪敗竄後率皆自相仇殺可見此等烏合之眾一經官軍勦洗無不立就殄除若乘此機會設計誘擒又何患勦辦不能得手惟逆眾既經宵遁越日復有大股續至雖經我師將逆船全行沈燬其竄往下游之匪爲數尙多究竟遁歸何處褚汝航見在督令大隊追至臨湘縣對河該處已臨近大江所有此股逆匪是否下趨武漢抑或上竄荊州亟須探明賊蹤追躡其後隨地勦滅方不至令該逆復肆鴟張塔齊布所統陸路諸軍著卽迅速管帶啟程由間道馳赴武昌遵照節次諭旨爲協同攻克之計曾國藩已率領後起水師自長沙啟行務卽趕緊出湖東下會合水陸兵勇沿途察看情勢遇賊卽勦以期節節打通直達鄂省儻須先攻

漢口賊巢或用舟師橫截江面斷賊往來接濟之路則攻剿武昌較易爲力惟在體察機宜安速籌辦以副朕望仍隨時知照官文嚴防荆襄上游並知會楊需迅速督兵進攻武漢南北夾擊毋稍延誤至湖南省雖無賊踪而岳州一郡屢陷屢復幾爲該逆來去自由之地著駱秉章迅飭胡林翼督帶練勇嚴密籌防仍極力搜捕餘匪俾地方一律肅清毋致再有疏失將此由六百里加緊諭知駱秉章塔齊布並傳諭曾國藩知之○諭駱秉章曾國藩奏水師攻剿急需洋礮接濟請飭廣東省將應續解之礮趕緊解濟等語前據葉名琛等奏因江西戰船將次竣工急需礮位已將本擬續解楚省之夷礮一百尊改解江西茲據駱秉章等奏稱水師克復岳州湖南賊踪全數殄滅曾國藩卽日統師東下江面攻剿必須洋礮陸續接濟廣東先後所解之礮俱甚得力惟見止解到六

百尊尙屬不敷分配自應由粵省續行解往以資攻剿著葉名琛等迅速設法購辦將應行續解楚省之夷礮數百尊配齊礮架礮具等件派委委員剋期分起解赴湖南毋稍遲延將此由六百里加緊諭令知之○諭駱秉章曾國藩奏請調候補知縣等赴楚造礮等語浙江候補知縣龔振麟及其子龔之棠著黃宗漢卽飭該員等攜帶鐵模迅赴湖南以資鑄造將此由六百里加緊諭令知之○曾國藩奏親督後起水師啟程得旨覽奏稍慰朕懷汝能迅速東下藉此聲威或可稍除武漢之賊朕日夜焦盼憂思彌增護船陸勇終恐未可深靠○江蘇巡撫吉爾杭阿奏報到任日期得旨見在上海未復攻剿正在喫緊汝旣任巡撫地方之事應一面兼顧汝外任不久尙無因循習氣趁此時奮發有爲或不至動輒回護以後但須竭力辦理莫負委任○辛酉諭軍機大臣等前因

勝保圍攻高唐逆匪日久未能克復降旨拔去花翎以示薄懲高唐賊匪不及千人我兵將及萬人何以蕞爾孤城進攻兩月竟不能迅埽妖氛殊不可解朕聞勝保有倏連鎮告捷後高唐卽刻報捷之語尤堪詫異勝保與僧格林沁雖分剿兩處逆匪實則共辦一事朕宵旰焦勞日盼北路肅清捷音速奏若該大臣果有此語是直坐擁重兵遲延觀望深負朕恩其心術尙可問耶前聞七月初一日賊由南面竄出將吉林馬隊衝散我兵多有傷亡復竄至勝保營後帳房被賊挑爛當諭令該大臣據實覆奏昨據奏吉林帳房被賊挑破一節諉爲造飯帳房殊屬含混崇恩於五月初間卽赴高唐同勝保攻剿逆匪本月初三日始赴武定與該大臣共事兩月自必知之最悉勝保初到高唐究竟如何布置屢次進攻是否認真督辦始則趕造呂公車近復鑄造大礮並稱炎暑大雨

不利軍行高唐城外積潦甚深攻具難施將士不敷分撥限於兵力該大臣有無藉詞搪塞竟任耽延我兵屢有傷亡是否該逆撲出抑係我兵進剿致有挫失勝保身膺重寄崇恩責任疆圉高唐賊匪雖係該大臣總辦軍務而該撫亦不能辭地方之責逆匪早一日殄滅東省卽早一日肅清於北路大局關繫甚鉅崇恩經朕棄瑕錄用身受重恩務須激發天良毋負委任該撫接奉此旨卽據實密奏不准稍有隱飾自干重罪本日據奏馳赴樂陵察看邊隘拏獲奸細供至武郡窺探虛實並逆匪有欲東竄大柳鎮之說著該撫仍隨時體察情形何路緊要卽至何路堵剿並嚴飭地方官實力防範毋稍疏懈將此由六百里加緊密諭知之○壬戌諭內閣官文等奏克復沔陽州城並連獲勝仗一摺逆匪竄踞沔陽州城經官文等派撥兵勇鄉團會同該州知州蕭蔭恩併力收復

其沔陽屬之洪湖賊巢亦於十五日經守備銜黃鵬程等督率勇船礮船四面合圍擊沈賊船六隻餘船敗走連日進剿又陸續擊沈賊船數十隻殺斃多名十六日該州仙桃鎮地方有賊千餘上竄魚泛洪黑流渡等處署總兵雙保派署參將常德等於七月初七日帶領弁兵會合潛江縣知縣龔煥枝所帶壯勇前往截剿斃賊三百餘名餘賊奔逃復接擒數十名沔陽地接漢陽此次各路兵勇協力進剿疊次獲勝並將州城迅速克復道路疏通著官文等卽飭令帶兵文武乘勝前進隨同楊需將武漢一帶賊氛全行掃蕩毋任蔓延○諭軍機大臣等官文等奏兵勇克復沔陽州城一摺又片奏京山縣土匪勾結天門縣粵匪復竄安陸府於六月二十八日失守等語與楊需前奏大略相同該將軍見派建昌鎮福忻帶兵馳往正可與該署督所調之雙保劉富成等會合攻剿

福忻雙保等所帶兵勇均歸楊需調遣卽飭各該員迅將郡城克復毋稍遲緩儻兵力不敷該署督並可酌量分撥兵勇馳往助剿總期上游肅清則荆襄一帶可保無虞我兵進攻武漢亦不至爲該逆牽掣前據駱秉章等水師克復岳州惟遊匪爲數尙多難保不盡趨武漢此時褚汝航大隊追至臨湘縣對河已臨近大江曾國藩亦率領後起水師自長沙啟行塔齊布所統陸路諸軍已諭令由間道馳赴武昌該署督前有三路進兵之議卽可趕緊督飭桂明佈克慎台湧等與湖南水路大軍會合夾擊毋失事機並將見在賊勢及我兵如何布置情形隨時奏報以慰廑念○諭官文貴陞奏安陸府城失守派兵援剿等語六月二十八日京山縣土匪勾結天門縣逆匪復陷安陸府城見在沔陽雖已克復而安陸仍爲賊踞荊州接壤地方該將軍卽派員嚴爲扼守不可稍涉大

意調回張于銘所帶之勇五百名由荊門州進援安陸是否足資
得力務須妥籌布置岳州克復賊匪下竄沿江一路卽督飭李光
榮統帶義勇礮船嚴密堵截知會湖南追剿之兵相機協剿務將
竄匪掃除淨盡毋任再有蔓延將此由六百里加緊諭知官文並
諭貴陞知之○乙丑諭內閣王懿德奏生擒噶瑪蘭謀逆戕官首
要各犯地方安靖一摺上年八月間臺灣府屬之噶瑪蘭廳地方
賊匪滋事通判董正官遇害經代理通判署頭圍縣丞王衢糾集
壯丁團練焚毀賊巢並將賊謀假充義首之林汶英一犯設
法誘殺會同都司劉紹春等分投搜捕殲擒多匪惟首犯吳磋及
戕官正犯劉木等同從逆餘匪仍潛匿山內通判楊承澤到任後
復與副將曾玉明等入山搜剿署淡水同知朱材哲並偵獲逸犯
吳大等多名本年二月間該管文武探知賊蹤帶兵圍捕先後擊

獲要犯劉木沈鍾等並殲斃夥犯十餘名復督率營弁梁青芳義
首謝集成等探明逆首吳磋在中心崙地方潛匿揮兵直入轟斃
賊匪二十餘人格殺十餘人將逆首吳磋生擒並將吳磋劉木沈
鍾押赴被害之噶瑪蘭通判董正官柩前凌遲處死一併梟示見
在地方肅清全臺民情鎮定所有在事出力之文武員弁義首兵
勇等著王懿德飭令臺灣鎮道查明保奏候朕施恩○諭崇恩奏
查明沂州府屬剿辦土匪出力官紳請旨鼓勵一摺本年二月間
江省徐海幅匪朱廣田等乘逆匪北竄時聚眾闖入蘭山郟城沂
水莒州邊隘村莊肆行搶掠經沂州府知府李維醇督率蘭山縣
知縣陳紀勳等並在籍辦理團練紳士丁守存等派委員弁分路
防剿升任臬司厲恩官調派前署台莊營參將郝上庠帶兵策應
會合各州縣督兵兜剿屢戰屢捷賊始退竄贛榆縣歡登埠地方

經文武各員追勦郝上庠督同署沂州協都司姜長清開放槍礮殲斃逆匪一百餘名生擒七十餘名匪首就殲地方一律安謐辦理尙爲安速所有在事官紳著崇恩擇其尤爲出力者酌保數員片片奏曹州府屬節次勦辦土匪出力各員懇請恩施等語曹州府文武員弁按捕逸匪亦屬著有微勞並著該撫覈實酌保數員毋許冒濫○諭軍機大臣等僧格林沁等奏賊撲套隄殲斃多名一摺據稱所築套隄均高丈餘周圍環抱我兵立於隄頂防守聲勢聯絡該逆於二十五日夜大股出巢奔撲西面扛擡長梯向侍衛都興阿營盤段落套隄濠牆支搭該侍衛鎮靜以待俟賊攀援將登始開槍礮斃賊甚多並奪獲旗幟刀矛等件逆匪被圍日久其勢已窮自必亟思奔竄此次雖經我兵殲斃多賊而該逆詭譎異常難保不乘間仍圖竄逸著該大臣等督飭各營將弁一面嚴

密防剿仍一面設法力破賊巢毋令負隅久踞屢據奏稱逆眾被圍情急眾心漸離且糧草均已缺乏正可乘此機會奮力掃除該大臣既知專恃大礮轟打及零星撿斬無濟於事自應力籌進剿爲埽穴擒渠之計不可因套隄築成僅以防賊竄逸爲詞再延時日前此批諭甚明諒僧格林沁必能懷遵嚴旨妥速辦理以慰廑念將此由六百里加緊諭知僧格林沁並諭西凌阿托明阿知之○賞已革陝甘總督舒興阿二等侍衛爲喀什噶爾領隊大臣○西安將軍舒倫保卒予祭葬○命貝勒德木齊扎布往奠科爾沁郡王僧格林沁故福晉茶酒賞銀五百兩○丁卯諭軍機大臣等官文等奏湖南賊船下竄見派兵勇堵剿情形又據塔齊布等奏賊匪兩次復犯岳州水師疊獲勝仗一摺此時湖南師船已追至城陵磯下與監利縣屬之白螺磯相距咫尺若能聲勢聯絡剿辦

更易爲力著官文等飛飭帶兵文武各員務須協力夾攻俾沿江一帶逆蹤及早殄滅荆郡自能安堵如賊匪全數下竄即可會同楚南官軍順流下擊惟在該將軍豫籌布置與塔齊布曾國藩互爲聲援妥籌策應至安陸一股既經楊需調兵進剿該將軍復調回福忻與張于銘分帶兵勇前往應援目下攻剿能否得手所稱石牌獲勝是否確實該郡緊接荆門亦距襄陽不遠尤須亟籌攻克以固北路仍著官文隨時知照楊需迅將此股殲滅後爲移師武漢之計毋致遲延疏失將此由六百里加緊諭知官文並諭貴陞知之○駱秉章塔齊布曾國藩奏前幫水師於初一日克復岳州後初五日戌刻探知下游擂鼓臺一帶有賊船數百號乘風上竄初六日該營官等會議以北風甚勁與其坐待賊至不若迎其未至而擊之遂令左營彭玉麟右營楊載福副後營夏鑾先鋒營

蘇勝等分爲前後兩隊營務處褚汝航自領本營督陣行至道林磯遙見逆舟益擁而來我軍頭隊將到該逆一面開礮抵拒一面齊卸布帆停泊老岸爲以逸待勞反客爲主之計左右兩營連檣開礮更番疊戰正副後營及先鋒營各船分兩翼併力向前殺賊甚多鏖戰二時之久日將西墜北風大作下游賊艘仍復魚貫而上續來者約五六百號我軍船僅七十餘號距南津港老營已逾六十里士卒竟日未食又不能卽行收隊楊載福親駕三板艇穿入賊隊繞賊之背截其來船轟燬賊船三隻賊眾紛紛墜水復縱火連燒十餘船下游續來之船始行退竄上游賊勢亦潰彭玉麟見五彩畫龍三桅船知係賊目冒險衝入該逆攢礮轟擊彭玉麟頸後及左手右臂三處受傷哨官秦國長中礮陣亡彭玉麟猶裹創力進將船奪獲查係章政之兄坐船時褚汝航揮旗督戰闌腰

截擊復遇畫龍巨艦急起直追槍礮環擊該匪上岸狂竄落水者無數遂獲其船並獲僞印一顆查係僞承宣林姓坐船夏鑾率哨官歐陽春往來衝擊槍斃僞十三檢點黎振輝後營哨官守備羅管全等往來夾擊轟斃僞丞相曾姓奪獲僞印一顆是日自未至戌鏖戰數時之久計燒燬賊船四百餘號斃賊約二千名生擒百二十餘名奪船二十餘隻內有長龍戰船一隻大礮十四位奪獲旗幟號衣紅黃帽及擡槍子藥刀矛馬匹千餘件此初六日大獲全勝之實在情形也

臣曾國藩於十五日已刻到岳據各營官稟稱十四日該逆在城陵磯下游埋伏小划二百餘隻匪黨皆上城敲匪其羅山對岸之夾洲一帶灣船約千餘號沿岸築有礮臺城陵磯以上一字排列戰船數十隻意欲以小艇誘我軍深入然後伏舟齊起迎頭鈔尾計甚狡毒時提

臣塔齊布陸營駐紮岳州北

門外五里許褚汝航先期稟商豫備水陸夾擊隨與楊載福彭玉麟夏鑾等魚貫而行舟過城陵磯伏匪正欲上船鈔尾不期樹林內提臣陸路伏兵四起該逆紛紛上船水軍分頭迎擊該逆見伏船已破心遂忙亂我軍乘勢擠進候補千總張世基然燒賊船一隻時羅山一帶上駛賊船約一千五六百號見火起卽行折回復被我軍趙燒而該匪戰船猶橫阻江心開礮抗拒候補把總區聯彪奮斬紅衣長髮老賊一名右營哨官秦國祿復奪得快礮賊船一隻後營哨官羅管全挺矛躍入賊船殺斃長髮賊數名左營各哨官燒賊船十餘隻水軍仍回泊南津港總計燒賊船三十餘號奪賊船七隻轟斃溺斃殲斃約三四百名生擒三十五名該逆二次從武漢下游分起上犯誓爭岳州幸仗皇上天威屢戰屢捷各將士酷暑鏖戰辛苦萬狀傷亡亦復不少然士氣終不稍挫候

選道褚汝航應請賞加鹽運使銜同知夏鑾請賞加運同銜知縣彭玉麟請免選知縣以同知選用都司楊載福請免補都司以遊擊畱於本省遇缺卽補主簿何南青請免選主簿以布政司照磨卽選其餘出力員弁兵勇由臣等覈其勞績最著者開單籲懇恩施以示鼓勵哨官六品軍功秦國長擊賊陣亡深堪憫惻合無仰懇天恩准照千總例子卹上諭賊匪疊犯岳州其意總圖扼我重湖之險塔齊布曾國藩等所派水陸員弁均能奮勇出力疊次獲勝賊膽已寒正可乘此聲威順流東下以期節節打通直達武漢此時沿江一帶賊船鱗比我水軍師船旣已進擊至城陵磯下與荊州官兵聲勢已相聯絡本日據官文奏石首縣之調弦口監利縣之白螺磯已有派防兵勇二千餘名並魁玉楊昌泗所帶官兵二千名又有川勇一千名暫住沙市以爲後路如該提督等

乘勝進逼則荆郡兵勇亦可乘勢下擊該提督等如需此項兵力會勦卽與官文安速商辦原奏內稱與其坐待賊至不若迎其未至而擊之所奏甚合機宜不獨擂鼓臺一戰卽楚省全局皆應如此辦理該提督等旣能見及於此卽著迅速督兵前進沿江攻勦毋令坐失事機武昌旣爲賊踞其通城崇陽一帶是否梗阻塔齊布陸路官兵能否卽由此路前進若能從此進兵直攻武昌之背水師順流而東肅清江路楊需所帶兵勇直擣漢陽賊巢則我兵愈眾賊勢愈分楚省賊蹤當可漸就掃蕩至塔齊布曾國藩督率水陸官兵全赴下游岳郡爲南省咽喉且衡州長沙兩廠接濟船礮皆須由該郡出湖不可無得力兵勇擇要扼防前有旨令駱秉章飭令胡林翼督帶練勇前往防剿著卽迅催該臬司赴岳扼要嚴防爲塔齊布曾國藩後路接應斷不可令下竄賊匪又復乘虛

繞越上游致東下之師有後顧之虞將此由六百里加緊各諭令知之○是月蠲緩廣西永甯等二十二州縣並萬承等十四土州縣被賊被蝗災區新舊額賦河南鄭州等三十七州縣被賊村莊新舊額賦展緩江西義甯等二州縣上年應徵漕米